

教行信證畧讚

108

2

館書圖京東				
八	〇	〇	九	
冊	號	架	函	類門

017621-001-1

108-2

教行信証略讚

道隱/著

M29.11

ABF-0454



108
21



教

行



教行信證畱各讚

淨信院道隱師講述
齋藤聞精師校閱

全部十卷

教行信證畱各讚

利井鮮妙師題字
香川葆晃師序文



108
21



教



行



教行信證異答讚

淨信院道隱師講述
齋藤聞精師校閱

全部十卷

教行信證異答讚

利井鮮妙師題字
香川葆晃師序文



吟
嘆

所
獲

明治甲午年春

利井解如釋云



本典畧讚序


昔者黑谷大師初開淨土門。唱念佛往生也。天下靡然歸之。猶江河朝海。其門人辨阿證空隆寬幸西等。共稱傳衣鉢。其實則非也。但吾宗祖大師。獨傳黑谷之心印矣。及黑谷沒也。一類往生。二類各生。一念多念。諸行本願等。異義雜然興焉。宗祖大師。懼微言將熄。作教行信證。為立宗本典。以

光顯黑谷之正意。宗祖大師嘗曰。末代道俗。近世宗師。沈自性唯心。貶淨土真證。迷定散自心。昏金剛真心。是一件聖道之人。一哀定散之機。本典製作。蓋為是而已矣。惟夫本典之為書。文言廣博。義趣幽深。顯微無端。婉曲成章。或義顯於彼。而文見於此。或義伏於此。而文出於彼。或寄讀法。以顯深義。或據字訓。以示妙旨。固非淺識所

測焉。雖然。若能沈潛反覆。研精覃思。考其奧旨。則隱顯昭灼。真假條然。愈究愈深。知有其味無窮者矣。可謂希有最勝之華文。無上甚深之寶典也。淨信院曾奉信明宗主命。進講於內殿。後錄其講語。名曰畧讚。解釋詳密。義理精確。妙契祖意。學者珍之。院畢生盡力於破邪顯正。為宗門干城。其學之正。識之高。世自有公論。今不煩贅。項

友人齋藤聞精公。禮誦之餘。訂魯魚。施句讀。命書肆某。附于梨棗。使後學省瞻寫之。勞。余善其志。喜其舉。敢題數言于卷首。

明治二十九年九月八日 香川葆晃謹識



教行信證略讀第一

惣序

釋道隱

教行信證大意云。抑高祖聖人ノ眞實相承ノ勸化ヲキ。ソノ流レヲクマントオモハントモカラハ。アヒカマヘテ。コノ一流ノ正義ヲ心肝ニイレテユレヲ窺フヘシ。然ルニ近代ハモテノホカ。法義ニモ沙汰セサルトユロノ。チカシキ名言ヲツカヒアマサヘ法流ノ實語ト號シテ。一流ヲケカスアヒタ。言語道斷ノ次第ニアラスヤ。ヨクヨクユレヲツ、シムヘシ。シカレハ當流聖人ノ一義ニハ。教行信證トイヘル一段ノ名目ヲタテ、一宗ノ規模トシテ。ユノ宗ヲハヒラカレタルトユロナリ。ユノユヘニ親鸞聖人一部六卷ノ書ヲツクリテ教行信證文類ト

號シテ。クハシクユノ一流ノ教相ヲアラハシタマヘリ
 乃ユノ書ヲツチニ眼ニサヘテ一流ノ大綱ヲ分別セシ
 至ムヘキモノナリ云云然則斯書正是真宗開闢之基礎。一
 流相承之明鏡。宗義弘傳之真教。宗意安心之龜鑑也。高祖
 教育之悲心。妙教流通之肺腑。諄々乎溢於六軸。一字一淚。
 深感戴之仰可敬信之矣。在五百有餘年之末而逢斯遺教。
 實宿善之至不可堪慶喜幸哉。各遠之者。永世遠祖門冥爵
 不可免。可懼可恐。

實語記 第二十箇條 云教行信證ハ蓮如上人ノ仰ニハ。廿歳ヨ
 リ内ニハヨマスヘカラス候。若キ時ハ何トシテモ聊爾
 ニ存スル間。二十ヨリ以後ヨマスヘシトノ仰候間。愚老
 モ廿五ニテヨミ申候云云又 第八十箇條 云。教行信證ヲハ昔

ハ若年ノ人ニモヨマセラレ候キ。ナレトモ信證院殿仰
 候ハ若時ハ何トシテモ聊爾ニトリアツカヒノ儀アル
 ヘク候アヒタ。廿歳以後ヨマスヘキ由被仰定タル事ニ
 テ候由。各宿老衆物語候キ。仍ヨムヘキモノハ。以奏者申
 入可有御免ノ由被仰出候。一家衆ハ第一ノ初一丁ハカ
 リ。從御住持請申事大法也。又 第四百四箇條 云。六要抄ナハ當
 時ヨム人ナク笑止トノ御事。蓮如上人御七廻ノ御佛事
 ノ後。俄ニ實如上人被仰出候テ。顯證寺蓮淳。木泉寺蓮悟。
 常樂寺如覺。三人ニヨマセラレ侍リシ。ソノ後モ各御免
 ニテ候。當時ユレモ兎角シ候ハ。ヨム人斷絶候ヘキヤ
 文。又 第六百六箇條 云。六要抄ハ。本ヨシラヘ候コトモヨミ申事モ
 申入テ仕候。教行信證ノ註ナルニヨリテ同前ニ仕候。愚

老ハ實如上人御往生ノ十日ハカリ前ニ。モ申ヘキ事
モ本ヲ仕立ヘキ事マテモ申入候キ文。然則往昔不許濫
私讀之。由請許之。有免許而後得讀之古實也。是全非倍法
爲崇重故。如是嚴重敬之則讀人甚希至斯法斷絕。法斷絕
則高祖慈愍之功終爲虛設矣。是以爾來許刻本流行亦是
爲弘法也。仍傳於世久矣。初有古板不記年號。不知出於何
手。脫誤不少引文等亦有所誤。恐竊寫祖門所持本歟。今湮
滅矣。後有明曆寬文二本。此恐以祖門書寫之真本。補古板
落脫正引文誤乎。文義粗備然未盡善。今世現行流布者但
此二本而已。爾來世普閱之人皆讀之。頗真宗繁昌之幸。祖
意矜哀之所致乎。愈以尊重頂戴。深染宗義可仰洪恩矣。今
汚高聽亦但爲謝海恩一滴。慎申喜踊之一端而已。

謹開真文。初辨製作時年。次論一部大綱。後釋斯書題目。○初製
作時年者。化土卷本^{五冊}云。勤如來般涅槃時代。當周第五主穆
王五十三年壬申。從其壬申至我元仁元年甲申。二千一百八
十三歲也。此乃暗述佛滅後至此書製述時之年數。元仁元
年八十五代後堀川院^{諱茂仁}即位三年。吾祖五十二歲也。當此時
於常州稻田艸菴起筆。爾後處々經回之間清治<sup>依四卷傳正
統傳等安貞</sup>
^{二年戊子。}若依錦織寺傳云。六軸之內。前四章在常陸國而
^{秋再治}述焉。真假二篇於錦織寺述作。昔嘉禎三年丁酉四月中旬。聖
人六十五歲。今按化土卷年代顯起業時。錦織寺傳彰清治之
終應知。○次論一部大綱者。開卷云。謹按淨土真宗有二種回
向。一者往相二者還相等。又第四五云。夫按真宗教行信證者。
如來大悲回向之利益故。若因若果無有一事非阿彌陀如來

清淨願心之所回向成就。因淨故果亦淨也。應知文。若往若還無有一事非阿彌陀如來清淨願心之所回向成就。由此思之。此書一部。以教行信證佛身佛土爲經。以往還二種回向爲緯。織成一部。從證果開眞佛土。爲顯其眞實。判眞假。辨隱顯。顯方便化身土也。一家之網格於于此乎成矣。復有二門偈著述。是顯此之往還回向他力成就者也。其教卷約絕待門。明眞實教。詮顯眞實四法爲教。故絕相待。是以著愚禿抄。降相待門。以聖道淨土要門弘願對辨。而顯本願一乘眞實教之尊高。以備一家教相之龜鑑焉。一流之宗義於此乎成立矣。故知二卷抄助教篇以豎相對。遠從聖淨二門至要弘二門。應知其二門偈橫詳他力回向。以顯二種回向之本。此之二書并是助成斯教行信證者也。略書略抄斯教行信證。使其知其精要。去假顯眞。捨顯抄彰。

其義可見。然則高祖已證之法門。唯以此書爲根基。是以稱名本書宜哉。略論大綱粗如爾。○後解題目者
顯淨土眞實教行證文類序

顯者明也。顯示之義。如分別顯示眞實之際。此有二義。一云初十一字中顯等八字是所集也。文類二字是能集也。初八字中顯之一字是能顯。此屬七祖能顯之功。與下偈顯大聖與世正意同。淨土眞實教行證之七字是所顯也。文類二字屬高祖能集。謂高祖念佛恩深遠。故集此文類。故顯淨土眞實教行證之文類。依主釋也。二云顯之一字是能顯。淨土眞實教行證文類九字是所顯。謂高祖能顯明列祖文類故。此顯字屬高祖。下文云鈔眞宗詮撫淨土要。又云謹顯眞實教者。謹顯眞實證者。故六要亦同。此義謂先釋題中十一字內初之一字。顯與後三字

文類能釋之詞。中間七字所釋之法文。此釋意。此能所顯與能所集。同爲能所釋。能所釋義雖同。初義顯字屬高祖。能顯者與後義同。大意及延本亦同之。二義終歸一致。謂言三國祖師各興行斯一宗故。三國列祖各顯示真宗教行證。然其顯示功經高祖選集手而顯明。故能顯爲高祖功也。又言愚禿所勸更無私故。高祖之所顯示全顯七祖所顯示。更無異途故。終歸一致也。○言淨土者對聖道門言。彼亦明教行證故。下文云聖道諸教行證久廢。淨土真宗證道今盛。又往生淨土門名淨土。非謂安養淨土也。○真實者簡異方便。於其淨土教行證。有真實方便故。簡方便而顯真實。今總序題雖總冠六軸。就正意曰真實也。○教行證者具言教行信證。略亦爲教證二。謂行者阿彌陀佛而舍歸命。信者南無而攝阿彌陀佛。信行不二。一南無阿彌陀

佛。用是爲真實教故。攝行信於教中。此三所期爲證果故。偈曰真宗教證與片州文。今題言教行證者。此攝信於行中。說行信無碍兩願一致故也。從行開信有四法。教卷首日。往相回向中有真實教行信證是也。略書就教行證三法明之。從行開信。何以知者四法牒文。餘三法皆言言教者等。信特言淨信者。又云言大行者言淨信者。又於往相回向大行下開信。云亦有淨信。又引證文於行處。束引行信文。信下但嘆德耳。以之可知是唯是就三法明之。廣書具列四法分卷。懇懇開示可尊信。今家行中開信。爲信心爲本者。吾祖不共之談也。凡七祖之所相承。行爲先攝信於行中。今家却於行中開信。非通途所談。故信卷首加別序。以顯從行別開信以信心爲肝要之所以云云。可謂冰出於水。冷於水。青出於藍。青於藍矣。然教行信證所據者。六要一初

引元照小經義疏云云。教行證與教理行果。其義大同者不然。彼因斷惑證理談教理行果。今依願力回向次第言教行證。何以彼同此。故非今之所據也。今試釋之有二義。對明直辨。一對明聖道者。彼聖道門中。合教理行果爲教行果三法。埋具天台玄義五下云乘有三種謂教行證。初心憑教所詮。信教立行得。出三界云云。慈恩青龍等就教行證三法。疑信於論三時與廢。謂具教行證名爲正法。但有教行無證名曰像法。有教無行證名曰末法。如法苑章等末法證明記引諸文。化卷略引可往檢矣。今對彼聖道門隨時有具缺顯淨土教行證三時無衰變。故化土卷云。聖道諸教行證久廢。淨土真宗證道今盛。又云信知聖道諸教爲在世正法。而全非像末法滅之時機。已失時乖機也。淨土真宗者在世正法像末法滅。濁惡群萌齊悲引也。今按

大經曰當來之世經道滅盡者。示聖道教無行證也。我以慈悲哀愍特留此經止住百歲者。明淨土教行證特留末法也。其有衆生值斯經者。明由教起信行也。隨意所願皆可度者。顯由信行得證果也。是正對聖道教衰變。而明唯有淨土之教行證利末法安樂集引此經文明經住滅。證末法唯有淨土一門之義。化土卷廣引集證明。次引山家證助顯西河集者。意在聖淨對明。故知高祖立教行證意正在對明而已。二直辨自宗者。此亦有二。一依二尊開宗。二依七祖大成。初依二尊者。依教大意文二尊各有四法。彌陀教四法者。師說云經云。法藏比丘說此頌已而白佛言。唯然世尊。我發無上正覺之心。願佛爲我廣宣經法是教也。又云攝取二百一十億。諸佛妙土清淨之行是行也。此中攝衆次佛告比丘。汝今可說宜知是時。發起悅可乃至如

我所願當具說之。廣說六八願結偈立誓者是信也。證誠可信故。又次應時普地六種震動。乃至空中讚言決定必定無上正覺是證也。又次說光明神力壽命長久者顯眞佛土。華光出佛普爲十方說微妙法者。就眞佛土超勝結彌陀教之教行信證也。已。今謂引法藏因行說願等。爲彌陀教四法之證者。恐非祖意歟。何者下文各卷引眞實五願。證明四法身土。彌陀教之教行信證。豈可異求耶。由此言之十七十八兩願爲教行信。第十一願爲證。廿二願此之益也。二十三願爲眞佛眞土。豈不然乎。次釋迦教承此。亦說四法身土。謂下卷首。其有衆生彼國者。皆悉住於正定之聚等是證也。十方恆沙諸佛如來。皆共讚嘆等。承上一々諸佛能讚是眞實教。所讚是行也。諸有衆生聞其名號等是信也。釋迦教首先證者。舉所期勸行信故。復次佛告阿難。汝起更整衣服

等是說眞佛土也。無量壽佛命放大光明明是彰光壽兩願酬報眞土。已上釋如上二尊四法身土。以名號爲休故。流通說其有得聞彼佛名號等。次承之云。要當過此聞是經法。歡喜信樂。信含如說修行。其行於無上道終不退轉。終言此文佛言吾今爲諸衆生說此經法。外發令見無量壽佛。及其國土一切所有。身所當爲者皆可求之。此承上二尊四法身土。付屬彌勒者也。上來所說二尊四法身土。爲眞宗正意。以此立一宗大要也。二依七祖大成者。下文自明述作意云。爰愚禿釋親鸞。慶哉西蕃月支聖典。東夏日城師釋。難遇今得遇難聞已得聞。敬信眞宗教行證等。明知眞宗教行證非高祖私。自敬信三國七祖所說。復教人信顯斯文類。於中二大士論中。但是散說不爲一宗法相。後鸞師全因襲由之。至西河約時機論教行證之興廢。引大

集經。我未法億々衆生起行修道立唯有淨土一門。淨土教行證漸

興矣。終南。今乘二尊教廣開淨橫川。往生淨土教行吉水傳承之。當

知七祖傳承。在教行證明矣。然未爲判教。至吾祖立以爲一家

判教。七祖所傳於吾祖大成焉。大哉吾祖大成之功。可深敬崇哉

○文類者梵便膳那唐云文。文謂能彰顯義。近顯名句遠顯義故。

如光記等。今所言文者文章。貝葉竹帛。經論釋章句都名也類

謂品類部類。隨四法次。分經論釋類文。以爲四品類。故曰文類。

宗曉樂邦文類。柳宗真西漢文類等爲例。又類謂類聚。易卦略

書言用文類聚。故。事文類聚等斯例也。類聚二尊列祖之要文。

以顯真實教行證。故。爲顯真實教行證。類聚諸文。故依主釋也

○序者依俗釋爾雅尺官。云東西牆謂之序。註云所以序別

內外。疏云此謂室前堂上東廟西廂之牆也。所以次第分別內

外親疎。故謂之序也。禮王制有東序西序。注東序大學在國中

王宮之東。西序小學在西郊。又廣韻序次也。左傳注疏一初云。

序與叙音義同。爾雅云。序與緒音義同。釋詁云叙緒也。叙云次序

言已述作之由。叙陳其書之旨。若繭之抽緒耳。法華文句。一之

序者謂次也。由也述也。可準解矣。釋題已竟次正文。現行兩

本題後文前。有大阿彌陀經等二行四句。十九御真本及延本

無之。六要無釋。所釋本無之故也。以無之本爲正。現本刪去可

乎。蓋惟御真本此二行文在表紙裏。此乃此二經。譯者有異說

故。記自所取說。而備後廢忘耳。二卷抄亦同之。然現本者。門人

傳寫時。崇重之餘。安之題後乎。然在此則無用也。又御真本無

此撰號。延本及明曆本同之。坂東本及寬文本。於此處安撰號。六

要順之有釋。然則古本有無有兩本乎。今從真本。序文中自安

撰號云爰愚禿釋親鸞故。是故今不須豫辨撰號也。

謹按一部文義大分爲三。一序文二正文三後述。六要云序初序文

中六要分爲五段云云。今科爲三段。一深嘆淨土巨益。竊以至如是之德海

二双示勸誠二門。捨穢忻淨三叙述製造所由。初中亦四。一依大經

意嘆法眞實。初四二依觀經意顯機眞實。然則下三依小經意

嘆機法益。故知下至四結嘆三經教益。爾者

○竊以難思弘誓乃至慧日。

先第一段具彰三經意。初四句依大經意嘆法眞實也。具足如

存師法語中。法要第二十初至○竊以者發端之辭。竊私也。以意也。

難思弘誓等四句。甚深巧妙。一顯經妙者。謂大經一部之要。不過

開闡彌陀因果二德。今舉二德以盡一部。無復餘蘊矣。難思弘

誓是因德。無碍光明是果德。以此二德總括一部。顯經意之妙

手也。對語妙者。謂此文以弘誓因對生死果。佛光果對無明

因。佛凡因果錯綜愈足以彰眞實之利也。三取語亦巧。謂初取

龍樹乘彼八道船能度難度海之語。龍樹以道品行。喻船有運

度用故。此以行攝願。今以弘誓換道品者。彌陀永劫萬行。唯爲

填此弘誓海。修萬行莊嚴無上殊勝願。故以願攝行。經昔行此

願即此義也。後句用天親讚嘆門語。論曰盡十方無碍光如來。

註云光明是智慧相也。此光明照十方世界無有障碍。能除十

方衆生無明黑闇等。取以顯無碍光破暗德。四下字亦奇。謂難思

與難度。光明與無明。疊語却奇。迷悟之分。因果之差。判然亦見。

不知其然而能然者。自然至言而已。○難思弘誓者。謂誓願不

思議。即是指第十八願。經曰如來智慧海深廣無涯底。二乘非

所測唯佛獨明了。善導頌之曰。彌陀智願海。由誓願成。佛智。因

佛智顯願力。智願不相離。佛智不思議故。智願亦不可思議。故曰佛智不思議之智願。又諸佛嘆佛智功德稱不可思議。因智願不可思議成故。猶如見兩大而知龍大。應知○難度海者。衆生生死無邊。喻之大海無邊。難超度。瑜伽九十三云。海有二種。一者水海。二者生死海。由三種相而不同分。何等爲三。一者自性不同分。故謂水海用色一分。自性故有邊有量。生死海用一切行爲自性。故無邊無量。二淪沒不同。謂水海或傍生趣。或有人趣於中淪沒。生死海諸天世間亦常淪沒。又水海不由身故。不由語意。故不由貪瞋痴。故不由生等四苦法。故於中淪沒。生死海亦由身故。乃至亦由生等苦法。故於中淪沒。三超渡不同。謂水海未離欲貪。諸異生類尚能超渡。何況其餘。生死海反上可思已上。生死苦海讚頌易行品。偈妙也。生死海實難超渡。

而無邊無量。唯有彌陀弘誓大船。使能運載超渡。若非弘願大船。則我等沈淪云何。讚曰不得逢往相還相回向則。流轉輪回無邊。苦海沈淪云何此意也。○無碍光明等者。論註云云。於十二光學一攝餘。一多證文言無碍者。不與衆生煩惱惡業所碍也。利物之最要。顯別德之美名故。別學無碍光攝餘也。破無明闇者。通界內界外。無碍光有破暗滿願攝取等德。今此中且學破暗德。對上生死果。生死難過度。由無明因不破。故哀無明大夜。示無碍光佛影現安養界。永拔生死根本。故曰破無明暗。夫佛光照而不破者。非無碍。破而不盡亦非無碍。是光能照破。以盡無明際。故曰無碍光明等。明信佛智無一念疑心。是其相也。慧日者。六要一三云。佛慧明朗譬之日光等。引諸文顯之。法語亦同焉。今按不但破暗亦示生信。謂有破暗義。而亦能

具生成德。故學慧日以彰。是光明生信慧。喻如日光。故如化佛菩薩之日。此四句假二大士聖語。以顯大經二部大綱。佛因果盡衆生迷倒因果。爲其大要故。又復難思弘誓等二句。是往生大行。誓願名號不離故。無碍光明等二句。是往相大信。以破暗生信故。大行大信。以貫一序。此乃顯大經法真實者也。次文云。至德嘉號。云金剛信樂。又曰專奉斯行。唯崇斯信。又遇獲行信等。皆承此大行大信終結云。慶所聞名嘆所獲信。當知大行大信爲序大綱耳。又復難思弘誓者大悲願心。無碍光明者光明智相。此嘆悲智二德。以示法真實。和讚云。無明長夜之燈炬等。示此意也。樹然略書曰。無碍難思光耀滅苦證樂。万行圓備嘉號消障除疑。泐記一四云。廣本以誓願光明對起。今以光明名號對起。言雖異義是一。祖曰。無離誓願名號。無離名號誓願。宗

家曰以光明名號攝化十方。本願化導無出此二者。是故二句爲言。端文。今云不必然。略書光明名號對起。憶述三經意。今書分三經別嘆。以圓滿嘉號。推之於彌陀經。初但舉因果二德。總括大經一部。故與彼稍異也。

○然則淨邦緣熟乃至正欲惠逆誘闡提。

二依觀經意。顯機真實。於中有二。初四句明教典。二斯乃已下四句顯實機。初中○然則者承上之辭。此乃欲承大經法真實。而明機真實。故示淨土教典也。大經法實機權。觀經法是帶方便。機實。願文言十方衆生。不分別凡聖善惡。抑止言唯除逆誘。而未顯機真實。是以大聖權化待機緣熟時。而興逆害。發起觀經。正顯以逆惡爲本願之正機。二尊悲懷於于此乎通暢矣。化卷緣達多聞世惡逆。彰釋迦微笑素懷。因章提別選正意。開闡彌

陀大悲本願。斯乃此經隱彰義也。文殊義同。○淨邦緣熟者。謂淨土之機緣淳熟也。○調達闍世者。學與逆人也。調達者如來從弟也。或言提婆達多。此曰天熱。以生時人天心熱故。闍世者具云阿闍世。此云未生怨。或曰婆羅留支。此云折指。經曰有一太子名阿闍世。隨順調達惡友之教。收執父王等。依此經則應言調達令闍世與逆害訓點。從之。又次釋迦韋提等。亦應言釋迦令韋提選安養。疏云。如來蜜遣夫人別選故訓點。從之。今不然似不為語。有何意耶。解云。宗家曰。衆聖齊心皆同指讚等。和讚曰。彌陀釋迦方便。阿難目連富樓那韋提。達多闍王頻婆娑羅。耆婆月光行雨等。又云釋迦韋提方便等。由之言之。不但提婆阿闍世。阿難目連等諸大聖齊心皆同行大悲。為引入攝逆之誓願。方便與逆害故為伴。一逆一順起此一教。准別選疏文。本願因緣為能

發因緣。調達闍世等行。此大悲。齊心共同與逆害。釋迦與韋提。同心共選安養。故互為能為所。俱行悲門。無別能所。雖然約經顯文。則調達為能使闍世為所使。釋迦使韋提選安養。能所宛然。應知○與逆惡者。禁父禁母二緣意。經曰。取執父王頻婆娑羅。幽閉置於七重室內。制諸群臣。一不得往。國大夫人名韋提希。恭敬大王。澡浴清淨。以酥蜜和妙用塗其身。諸瓔珞中盛蒲桃醬。蜜以上。王乃至如是。時間經三七日。王食妙蜜。得聞法。故顏色和悅禁父。緣。時阿闍世問守門者。父王今者猶存在耶。時守門人白言。大王。國大夫人乃至沙門目連及富樓那從空而來。為王說法。不可禁制。時阿闍世聞此語。已怒其母。曰。我母是賊。與賊為伴。沙門惡人。幻惑咒術。令此惡王。多日不死。即執利劍。欲害其母。時二大臣引典諫曰。王今為此殺逆之事。汗利利種。臣不忍

聞是旃陀羅。不宜住。此時二大臣說此語竟。以手按劍却行而退。時阿闍世驚怖惶懼。告者婆言。汝不爲我耶。者婆白言。大王慎莫害母。王聞此語。懺悔求救。即便捨劍。止不害母。勅語內官。閉置深宮。不令復出。已上禁母緣今述此二緣意。具解如序分義。天台觀經疏曰。如是等事。皆是。大士善巧權化。行非道。通達佛道。衆生根性不同。入道有異。一逆一順。弘道益物云云。○淨業機彰者。述厭苦忻淨二緣意。淨業者。約經顯相。定散二善爲淨業。說諦觀彼國淨業成者。又云。欲修淨業者。乃至此三種業。三世諸佛淨業正因故。約隱者。念佛爲淨土業。故釋云。依下觀門。專心念佛等。又云。上來雖說等。又以下品念佛爲本願念佛。今此中約隱故。本願念佛爲淨業。然則本願念佛實機彰曰淨業機彰。淨業機彰者。由淨土緣熟。故淨土所緣熟與淨業行去機彰。

相對也。然略書云。濁世機憫。餘文同之。有云。憫者。猶曰可憐。謂濁世機可憐意也。處有云。憫者。大悲哀憫也。釋迦悲憫濁世機。使韋提別選。但爲對緣熟云。機憫耳。淨記師說今從後說。然今云。機彰。略書云。機憫者。師說曰。略書於還相中。明教與故。於觀經顯爲凡教者。即是還相悲用。故曰機憫。今示淨土巨益。故以大經法真實蒙觀經極惡劣機。故曰機彰已上。今按就當機云。淨土機彰。爲惡人往生機也。即是淨土實機已彰。故使別選也。略書彰實是凡夫相非假示。疏云化卷曰。言如是凡夫心想羸劣。則是彰爲惡人往生機也。即是淨土實機已彰。故使別選也。略書彰未來濁世衆生爲實機。經曰。如來今者。爲未來世一切衆生。爲煩惱賊之所害者。化土卷云。言若佛滅後。諸衆生等。即是未來衆生顯爲往生正機也。故夫人爲未來示劣機。釋迦爲濁世衆

生。使_二韋提別選_一。今本應前顯實機。略本向後憫濁世。彼此但文起盡異而已。○釋迦韋提選安養者。正忻淨緣。經文曰我今樂生極樂世界阿彌陀佛所。疏曰從我今樂生彌陀已下正明夫人別選所求。此明彌陀本國四十八願。願願皆發。增上勝因。乃至諸餘經典勸處彌多。衆聖齊心皆同指讚。有此因緣。致使如來蜜遣夫人別選也。文今正用此語勢。然疏文下致使蜜遣四字。此有兩重能所。蜜遣二字釋迦爲能。夫人爲所。言如來蜜遣夫人別選。故_一。又別願因緣爲能。使釋迦韋提同是爲所。使。曰有此因緣。致使如來夫人別選。是_二。上與逆惡句。准此亦有兩重可知。此中含二重義。六要二義亦此意也。○斯乃等者。二顯實機。此乃示與逆本意別選正意。但以濟惠苦惱逆惡爲正意。故曰斯乃。略書云。情思彼靜念此。達多闍世博施仁慈。彌陀

釋迦深顯素懷。文。以此觀之上達多闍世之與逆。是實惡人於乎此開顯。此明大聖權化爲濟極惡衆生。行非道引入攝惡之法。逆惡即施仁慈。故曰權化仁。仁者慈也。對下悲爲除苦現逆。故不但調達闍世阿難。目連。富樓那。韋提。達多。闍王。頻婆娑羅。耆婆。月光。行雨。守門者等。皆是一切大聖神通已達。善攝化現。從彌陀大悲門來。爲男爲女。爲主爲伴。爲逆爲順。齊同行大悲救苦惱群萌。方便引入誓願也。○救濟苦惱群萌者。嚙示濁惡機。經說若佛滅後諸衆生等。濁惡不善五苦所逼。故齊者大聖齊心也。救苦惱以除苦惱法。此乃與前大船應。○世雄悲等者。世雄之語。取五德文。悲者大經曰。如來以無蓋大悲等。欲惠逆謗闍提者。惠以真實之至極。在下三品。以大慈悲爲說。阿彌陀佛。是領無蓋大悲來。故欲惠二字。欲拯群萌。惠以真實之利文。

錯綜作語有味哉。正言對傍。當來之世經道滅盡之機。為欲拯之正意。在世為傍^一。未來中救凡為大悲正意。十四佛國菩薩等為傍意^二。於未來凡夫中善機為傍^{定散}。下三品十惡五逆。具諸不善之機。為大悲正為^三。此義意在大經。而其相未顯。至觀經其正意方顯。是故今正彰承大經法被觀經實機。其義甚妙哉。逆謗闢提者。涅槃經所謂難治三機。如信卷。然觀經說攝^五逆不說攝謗法。然下上品云雖不誹謗方等經典。以之觀之。則下中下々攝謗謗容有勿論也。其不說者依抑止門。故禮讚曰下輩下行下根人。十惡五逆等貪瞋。四重偷僧謗正法。未曾慙愧悔前愆文。釋師約未回心故不云攝謗法。若約回心則誹謗者亦攝。故口業功德中云滅誹謗罪得往生善導云。謗法闢提回心皆往同之。闢提者具言一闢提。此云信不具足。又

云斷善根。如涅槃說。淨土經中不說闢提。通逆謗罪而無慙愧名闢提。故大經心常念惡口常言惡。身常行惡曾無一善。不信先聖諸佛經法。不信行道可得度世。不信死後神明更生。不信作善得善為惡得惡。是無信闢提其義也。今觀經逆謗中攝闢提。故曰謗法闢提回心皆往。至信卷可知。

○故知圓融至德嘉號乃至獲證真理也。

三依小經意嘆機法益。於中初二句嘆大行德。後二句嘆大信德。此乃上明大經法真實蒙觀經惡機意。今明其機法合得大益。故曰故知若法真實不蒙實機。則何有得益。機法既合。是故釋迦說其益。恒沙諸佛證勸此經意也。○圓融至德等者。應上光明破暗惠逆謗之句。嘆大行德益。圓融者。愚禿抄云。回頭者。圓名圓融圓滿。頭名頭極頭速。借止觀輔行。淨土教中圓滿頭速為本。含

圓融義故。經說乃至一念。當知此人爲得大利。則是具足無上功德。論云能令速滿足功德大寶海。是頓極頓速圓滿之義也。圓融義舍在此中。利益爲本故。華嚴經說。功德雲比丘。善財言。我於佛法海中。唯知一行。所謂念佛三昧文。所謂一行即是万行。一行即一切圓融無得名圓融。然華嚴天台所謂圓融者。三無差別中以心爲主。淨土門圓融以佛爲主。言同義異不可混同也。是故今家就佛名號言圓融。信卷云成就圓滿無碍。不可稱不可說不可思議功德。略書曰斯行遍攝一切行。極速圓滿故名大行文。行卷云云。一多文意云。本願一乘圓融無碍真實功德大寶海。今言一乘者本願也。言圓融者万功德善根。盈滿無缺自在也。言無碍者不與惡業煩惱所障不所壞也。言真實功德者名號也。此名號以永劫所修万德。施之於六字果號。万德

融妙無有缺減。譬如淨摩尼珠其狀如芥子。有大功德。雨一切珍寶。元照云万行圓修。最勝獨推於果號。万德嚧彰於四字。又云况我彌陀以名攝物。是以耳聞口誦。無邊聖德。攬入識心。永爲佛種等。行卷三。十右戒度云。佛名乃是積功熏修。攬其万德。嚧彰四字。是故稱之。獲益非淺。已上又用欽云。今若以我心口。稱念一佛嘉號。則從因至果。無量功德。無不具足。已行卷三十。一右所引言至德嘉號者。取論註語。論語云泰伯可謂至德無民得而稱矣。諸佛讚言不可思議功德。此乃至德之義。讚嘆之美稱也。化土卷曰善本者如來嘉名。此嘉名万善圓備。一切善法之本故曰善本等文。○轉惡成德正智者。轉逆謗闢提極惡。速成不可思議功德。此則圓融嘉號至德也。唯信文意云。行者ノハシメテ。トモカシモハカラハザルニ。過去今生未來ノ。一切ノ罪ヲ善ニ轉シカ

ヘナストイフナリ。轉ストイフハ罪ヲケシウシナハスシ
 テ善ニナスナリ。万ツノ水大海ニイレハ。スナハケウシ
 ホトナルカ如シ文。轉惡義可準解。今於小經中所以顯圓融
 至德者。貶諸善万行爲少善根。執持名號爲多善多功德故。多
 功德稱而爲不可思議功德故。此名號通上名義。而名義不二。
 以無碍光爲名。名號即光明無碍故和讚云無碍光如來名號
 ト。カノ光明智相トハ。無明長夜ノ闇ヲ破シ等。故知無碍圓
 融德爲名號德者。即是無碍光照圓融無碍。轉惡成德故名阿
 彌陀。故說之曰聞說阿彌陀佛等。於乎斯有本願一乘圓頓之
 稱。和讚曰。本願圓頓一乘ハ。逆惡攝スト信知シテ。煩惱菩提
 體無二ト。是罪德無碍圓融。次讚顯轉惡德云。無碍光ノ利益
 ヌリ。威德廣大ノ信ヲ得テ。必煩惱ノ氷トケ。即菩提ノ水ト

ナル。罪障功德ノ體トナル云云。轉惡成善義可知。次二首名
 体不二。於中初名號不思議海水ハ等。轉上逆謗惡。與不可思議
 功德一味。次盡十方無碍光ノ。大悲大願ノ海水ニ。煩惱ノ衆
 流歸シヌレハ。智慧ノウシホニ一味ナリ。此示轉惡成智。一
 味言顯無碍圓融德益。無碍光德即名號至德。嚮師引小經。
 顯無碍光之名義。成破無明之義。故嚮師讚中明圓融無碍。是
 故顯圓融無碍至德者無過小經。故於此明前無碍光明法德。
 轉逆謗諸惡。成不可思議功德。可謂巧妙矣。正智者至德嘉號。
 即是無漏佛智故。簡顯說善本德本念佛。而指名號佛智曰正
 智也。有云正智者。佛名從智慧海而建立故。耳聞口誦無邊聖
 德攬入識心。永爲佛種故云正智。行卷三十引論註曰。阿耨多
 羅三藐三菩提。阿名無。耨多羅名上。三藐名正。三名遍。菩提名

道。統而釋之。名爲無上正遍道。無上者。言此道窮理盡性更無過者。何以言之。以正故。正者聖智也。如法相而知故。稱爲正智文。今文正用此正智語。菩提正因名正智。名號佛智滿入不定迷心。成無上菩提因。故名正智也。○難信金剛信樂除疑獲證真理也者。嘆大信德。經云爲一切世間說此難信之法。是爲甚難文。大經云若聞斯經信樂受持。難中之難無過此難文。二經綺互顯他力信相也。金剛者。宗家曰。此信深信由若金剛。不爲一切別解別行人等之所動亂破壞文。此有噉金剛法金剛。噉金剛者。約通途者。大日經疏曰。如世間金剛寶有三事最勝。一者不可壞故。二者寶中上故。三者戰具中勝故。大論五十九云金剛寶者帝釋所執。與修羅戰卒落闕。約別途者。信卷本廿六云本願力回向大信心海故。浮提爲如意珠。不可破壞。噉之如金剛也。偈云共發金剛志。橫超斷四流等。言

法金剛者。定善義云。金剛者無漏之體也。今此中意。執持名號一心。是曰難信金剛信樂。此乃於小經中。說大經弘誓願者也。是小經隱彰之義也云云。化土卷本十七曰。言彰者彰真實難信之法。斯乃光闡不可思議願海。欲令歸無碍大信心海。良勸既恒沙勸信亦恒沙信。故言甚難也。故知難信是難信之法。所謂不可思議願海。難思弘誓金剛信樂者本願三信即一信樂也。何以執持名號一心名金剛信樂者。化土卷云經言執持亦言一心。執言彰心堅牢而不移轉也。持言名不散不失也等。此乃於小經彰本願三信。然則佛智回向名金剛信心也。除疑者此法難信故。濁惡邪見衆生難得此信。十方恒沙諸佛。爲之各出廣長舌相。同勸同證同讚。斷衆生疑根。故曰除疑也。獲證者延本作獲德。不正。御本等作獲證。爲正。何者獲證二字用元照語。行卷三十

引。云我彌陀以名攝物。乃至頓除億劫重罪。獲證無上菩提。信知非少善根。是多功德也。獲證者經曰。皆得不退轉。於阿耨多羅三藐三菩提是也。眞理者眞實道理也。如來會云。我今如理宣說。汝等應如教住。如實說彌陀因行果德云。如理。順教信受無疑云。如教住也。金剛信樂爲獲證之眞理者。信卷引涅槃經曰。菩提之因無量。說信心攝盡。又云涅槃眞因唯以信心。謂由諸佛舌證疑執一除。而成金剛眞心。則阿耨菩提於是乎指掌。豈非眞理耶。

○爾者凡小易修乃至無如是之德海。

四結嘆三經教益也。按此文有結上起下意。○爾者承上之辭。謂承上三經大行大信得益。而嘆之勸奉行故。○凡小愚鈍者。指三輩九品。上三品是大乘善凡夫。中輩是遇小乘。下輩是遇惡。故說如此愚人故。又可凡小愚鈍但是文綺互耳。凡夫小智愚痴

鈍根也。行卷曰。其機者則一切善惡大小凡愚也。○易修易往者。由佛願力故說易修易往。○眞教捷徑者。結上三經所說行信爲眞實教。又爲捷徑直道。捷徑者捷疾也。徑直也。行卷曰張掄云。佛號甚易持。淨土甚易往。八万四千法門無如是之捷徑。今用此語勢。○大聖一代教等者。大聖一代即是十二部經。八万四千教。爲假爲迂。不可比於淨土教眞實直道也。又無如之言顯絕待。是本願一乘絕待門。此絕待中亦具相待。故有二經方便。次下文是也。應知德海者難思弘誓。無碍光明具勝德如大海。十地經曰。譬如大海以十相故嘆名大海云。行卷四十一右

○捨穢忻淨迷行惑信乃至唯崇斯信。

二双示勸誠二門中二。初勸二誠。初四句所勸機。特仰下四句正勸門。初中。此文中學觀小二經顯說爲所被。欲勸捨顯說

可歸實義。此乃上絕待門難入故。就相待門分真實方便。此文暗為化卷張本也。初厭忻行信二句。明觀經要門機。兼攝小經顯說。觀經厭苦忻淨次第。由厭苦生忻淨心故。大經意歸佛願。則佛願不思議自所厭故。但勸願生信心。淨土見聞集法要二十 六十四右云抑楞嚴ノ先德ノ要集。禪林ノ永觀ノ十因等ハ。厭離穢土欣求淨土トカ、レタリ。然ルニ驚聖人ノ御相傳ニハ。欣求ヲ先トシ厭離ヲ後トセヨトノタマヘリ。ソノユヘハ。マツ穢土ヲイトヘトス、ムトモ。凡夫ハ厭フ心アルヘカラス。ユレナイトハセント勸メナイトマニマツ欣求淨土ノユヘナキカセヌレハ。チシヘサレトモ信心ヲ獲得シヌレハ。穢土ハイトハル、ナリト仰セアリケリ。サレハ。教行證。淨土文類聚鈔。愚禿鈔等ノ御作ニモ。マダ淨土和讚正像

末法和讚等ニモ。カツテ穢土ヲイトヘトモ。無常ヲ觀セヨトモアソハサレタル一文ナシ。ツラクニノコトヲ按スルニ。マユトニ信心ヒトタヒ發起セシメ玉ヒヌレハ。チシヘサレトモ穢土ハ厭ヌヘシ。マダタトヒ厭フ心カツテナクトモ。信チエハ往生疑ナシ。一言ナリトモ他力發起ノ法門モトモ大切ナリ。已上。愚禿抄厭離真實聖道門。欣求真實淨土門。此約聖淨相對言ノ之。若要弘相對。則要門捨穢忻淨。弘願門忻淨為本。其厭離者但是信心用故。或先忻後厭信卷忻淨厭。或先捨穢忻淨為後略本受行最勝弘。誓而捨穢忻淨。次第不定也。要門忻求是三業各修厭欣。俱自力故與弘願雲泥耳。○迷行惑信者。執定散三福九品之行。而迷本願真實行。故曰迷行。局定散諸機各別自力三心。昏他力金剛心。故曰惑信也。今私思此句

中含小經顯說。執自力念佛之行。而勵自利一心。故○心昏識
寡等者。略書心昏識寡。敬勉斯道。惡重障多。深崇斯信。九右。有
說此二句。出逆惡機。心昏識寡者。根鈍。所識知少。故。惡重障多
者。障重。五逆十惡五障三從也。樹有說心昏等二句。小經顯說。
謂離捨諸善。稱名號。而心昏昧。不能明信佛智。故曰心昏。不肯
受釋迦所說諸佛證誠。所識知少。故曰識寡也。小經善男子善
女人。本從下三品來。故重罪。由已重罪。疑本願。不信。故曰惡重
也。障多者。疑見執。事讚云。為斷凡夫疑見執。皆舒舌相覆三千。東
方是也。師今按上二句。學定散善機。二句通三經。心昏等二句學
惡顯俱同劣機。此中通舍三經機。謂心昏識寡者。大經云。身愚神闇。心塞
意閉。今取其語勢。觀經下品說。如此愚人是鈍根無知也。惡重障
多者。十惡五逆等。曰惡重。八十億劫生死之罪等。曰障多也。若

依小經五濁時機是也。散善義云。能於五濁惡時。惡世界。惡眾
生。惡見。惡煩惱。惡邪無信。盛時。指讚彌陀名號。勸勵眾生等文。
何以知捨穢等二句。為經顯說者。略書中但有下二句。無此句。
彼唯明真實。不明方便。故以彼照之。今本初二句顯說也。明矣
○特仰如來發遣等四句。正勸歸仰。特者。但也獨也。有云如來
發遣者。釋迦指勸也。最勝直道者。彌陀招換也。樹有說云。仰如
來發遣者。勸觀經顯說機。玄義云。仰惟釋迦此方發遣。彌陀即
彼國來迎。彼喚此遣。豈容不去乎。今學釋迦發遣。攝彌陀。而示
二尊一教之旨。故歸最勝直道者。當小經指讚。即勸彼顯說機。
諸佛易行中之最勝。故嘆不可思議。彌陀易行。特速疾成佛之
一路。故曰最勝直道也。師今謂二河譬文曰。東岸忽聞人勸聲。
仁者但決定尋此道行。必無死難。又西岸上有人喚言。汝一心

正念直來等。又云仲蒙釋迦發遣指向西方。又藉彌陀悲心招喚。今信順二尊之意。不願水火二河。念々無遺乘彼願力之道。捨命已後得生彼國。此中二句正依此文。如來發遣者。釋迦指勸使向西乘白道。是爲發遣之教。即應上易修真教。最勝直道者。對上釋迦發遣。彌陀弘誓曰。最勝直道。略本云。最勝弘誓。即是木願招喚之白道也。信卷本六廿釋白道云。道之言對路。道者則是本願一貫之直道。大般涅槃無上之大道也。路者則是二乘三乘。万行諸善之小路也。豈非最勝直道乎。大經云。住最勝道。又曰。最勝尊。皆指彌陀爲最勝。直道者。應上易往捷徑。仰歸二字信順之言。所謂信順二尊之意等是也。必歸者。決定尋道直進。不生疑怯退心也。此即勸前二機也。專奉斯行唯崇斯信者。奉謂承也。崇謂敬也。爲對勸上迷行惑信者。開爲二句。

耳。略書云。心昏識寡。敬勉斯道。今上。惡重障多深崇。斯信今。舉信。准之解之。可謂心昏識寡者。歸仰二尊教道。專奉崇斯行。攝行。信。開爲二句。而但一句意耳。故言專。唯可捨定散自利行信。而唯專崇敬本願一貫之行信也。此乃承上三經弘誓行信。及圓融嘉號難信信樂。言眞教德海。至于此結歸其大行大信也。

○噫弘誓強緣乃至遠慶宿緣。

二誠門亦二。初嘆斯法難遇。後若也。下正誠疑失。此初也。略書此文在還相後。泐記二。之廿右。行信作于信心爲異。餘文全同焉。此文意舉曠劫多生之難遭。而誠疑失。以復逕歷多劫故。是故初嘆法之難值也。初二句彰法深重。後二句遇獲慶機所獲。法中有機故云。匝值匝獲。機中有法故云。遇獲行信。機法錯綜以顯願海廣大也。○噫者嗟嘆辭也。○弘誓強緣者。泐記曰。指第十八願。

師說曰弘誓是大行。淨信是大信。承上應下行。今謂弘誓。宗家曰。弘誓多門四十八。唯標專念名號得生文。強緣者。玄義二乘門云。正由託佛願以作強緣。致使五乘齊入文。強緣即增上緣。言大願強力為增上緣。故增上者殊勝義。非四緣中增上緣。十住論增上者殊勝義銘文云增上緣トハスケレタル強緣ナリト。弘誓者學第十八願。則十七願即之。淨信者學信則行即之故。○真實淨信者取語於論註。信卷曰。從無始已來一切群生海。流轉無明海。沉迷諸有輪。繫縛眾苦輪。無清淨信樂。法爾無真實信樂。乃至如來悲憐苦惱群生海。以無碍廣大淨信。回施諸有海。是名利他真實信心文。○多生叵值億劫叵獲者。叵不可反與難同。示多生曠劫難值遇。大經曰無量億劫難值難見文。元照云。万劫難逢千生一遇。愚禿抄。五會讀云。今日道場諸眾等。恒沙劫惣經來。度此人身難值遇。噲若優曇華

始聞。正值希聞淨土教等文。以今日希得人身。知曠劫已來流轉之久。以今日希遇獲信。愈知多生曠劫難獲。○遇獲行信遠慶宿緣者。寬文本作適。御本及延本略書並作遇。明歷本同之。遇不期而值曰遇。適與邂逅同。字彙不期而岌也。又獲行信略本作獲信心。承上淨信句。故言信心。今書上來以大行大信。該貫一序。故承接亦然。行信不二而文勢稍異也。此中意云。我等惣經多生曠劫來至今身。以今度前。曠劫已來常沒常流轉。無有值出離強緣。故實難值。叵得曠劫既如是。豈期今日獲斯行信。誠千生一值。若優曇華始開。故曰遇也。遠慶宿緣者。遠言對今日近之辭。謂多生難值。而今日希值此法。遠宿緣之所由來也。近獲者慶其遠所由來之緣也。然宿善清淨有戒者。乃獲開正法。舉戒攝諸善。宿因若人無善本。釋曰過宿緣。會更見世尊。宿世見諸佛。此名雖異而正值弘願真實。去已曾修習此法。

則愍是為此因緣也。有說云宿緣者謂宿世因緣也。因緣者感應之義。因在眾生緣在如來。因在善惡緣者見佛聞法。此為宿善。宿世毀佛謗法。此為宿惡。緣有順逆。順緣者如大通智勝佛十六王子。為四部眾覆講法華經。結當來緣。逆緣者如常不輕菩薩。為惡口罵詈打擲之人。強授記別。結當來緣。今欲談佛力。故曰宿緣。其結緣在法藏菩薩永劫修行時。故云遠慶已上樹心。又有說。經云清淨有戒者乃獲聞正法者。明十九願為宿緣。又若人無善本者。反知廿願亦為宿緣。故曰過去已曾修習此法。今得重聞即生歡喜。即其義也。當知宿世久々種種方便。方得值遇第十八弘誓強緣。豈不慶乎。問要門真門宿善其義可然。如他聖道修善者。不成今之宿善耶。答聖道修善。不回而向西方則已。若向西方。亦是十九願之力。况復假門之行廣通一代。如

化土卷末燈鈔。宜以準解此義連承宿善之義一家公論。不暇盡于此。如別章具悉。

○若也此迴乃至聞思莫遲慮略書及御本。無復字。略本作必。曠劫略本作多。切多生。超世希有正法。略本作超超易往之教。勸其餘。皆同。

後正誠疑網失。○若也此迴等者映前遇獲行信句。更復逕歷句。應上多生億劫句。上望無始。述今慶。今望未來。誠今疑也。也者亦也。迴與回同轉也。輪轉六道。今回來人中。故云此迴也。覆蔽疑網者。經曰決斷疑網。網有難脫覆障隱蔽之義。難脫者如羅網魚鳥難脫出。覆障者猶言門前張雀網。障人出入。故隱蔽者。網蔽眼目。便不能見。故覆蔽者覆謂隱覆。蔽謂蔽蓋。所謂疑蓋也。蓋攝取之真言。隱希有之正法。而使不信。遲慮由之發。由疑網故逕歷多劫。故曰還來生死輪轉家。決以疑情為所止。所

以深誠也。更復逕歷曠劫者。略本復字作必。更言復也。復還也。言此回若疑不信。則復還如本。多生曠劫流轉。向後還逕歷無窮受最劇苦。經曰經歷多劫受苦無窮文。○誠哉攝取不捨等者。結上誠門。上來所舉三經真實超世正法。皆是誠實佛語不可疑。然但聞之不思。猶豫不信痛哉。故於此結使聞信無疑。故曰誠哉。有說云。攝取不捨真言者觀經也。超世希有正法者大經小經也。大經云我建超世願。小經曰甚難希有之事。樹有說云。攝取不捨真言。觀經小經二經意。禮讚合二經。言攝取不捨故名阿彌陀。故真言者五會讚云。三世諸佛誠誦真言文。超世希有是大經意。經曰我建超世願。如來會云。大誓願皆已成。就世間希有文。正法者顯真實教之詞。至之結成上大信大行。為真實教使無疑。承接可見。師此二說各據一義耳。或可攝

取不捨之真實語言。是釋迦教也。超世希有之弘願正法。是彌陀教。偈曰超發希有大弘誓。故二尊教勅不可疑。故言聞思莫疑也。聞思等者。信卷本二十引涅槃經云。信復有二種。一從聞生。二從思生。是人信心。從聞而生。不從思生。是故名爲信不具足文。聞而不思。信不具聞也。聞而思。惟機法分限。生信。聞思具足信也。遲慮者。遲者遲滯踟躕。慮謂疑慮猶豫也。真者禁止辭深誠義。文意謂二尊三經有正法真言。豈可不稽思於此中。各宜聞思之。莫猶豫躊躇也。双示勸誠二門意。

○爰愚禿釋親鸞慶哉。乃至曠所獲矣。

二叙述製造所由。略書曰。慶哉愚禿。仰惟樹心弘誓佛地。流情難思法海。曠所聞慶。所獲探集真言鈔。出師釋。專念無上尊特報。廣大恩文。又初序曰。爰片州愚禿。歸印度西蕃論說。仰華漢日

域師釋。敬信真宗教行證。特知佛恩巨窮盡。明用淨土文類聚。矣可合考。○爰者粵也。於是也。○愚禿釋親鸞者。吾祖高諱也。自餘著述。但有選號。文中不標自名。又略書但言慶哉愚禿。而未見稱其高諱。今書四處。物序。信卷別序。及信卷末十左。信卷後序。載自名。所以其為鄭重。可鑽仰頂戴哉。○慶哉者。旌奉法之喜。禮讚云。慶哉難逢。今得遇文。○西蕃等者。尚得師承。以難遇難聞故。由今已適得。而敬信二尊之道。特知佛恩巨窮盡。豈弗慶喜乎。西蕃月支者。嚙指天竺。在中華西故云。西蕃屏謂佐王國。書經云。中華之書謂胡國為西蕃。如曰嫁公主於西蕃。以胡梵并在西故。月支者。梵印度。舊云賢豆。乾竺。身毒等。此翻云。月。月有千名。是其一也。謂佛日已隱。賢聖繼踵如月照臨。故名。西域。漢人指晉月支也。後漢西域傳云。大月支國。氏音。西接安息。去洛陽萬六千三

百七十里。此即西天別國名也。今乃嚙是天竺之稱。重言綺互文耳。言聖典者。龍天二大士論判。稱聖典也。○東夏日域師釋者。指漢和五祖也。東夏者震且。又云支那。左傳襄四年。華夏皆謂中國。注疏言有禮樂之美大。故稱為大。又云中華。今對西蕃言東夏耳。日域者指吾邦。揚雄賦云。東震日域。今又對月支言日域耳。○難遇今得遇。難聞已得聞者。六本。三十引法事讚曰。人身難得今已得。淨土難聞今已聞。信心難發今已發。今用此語勢。凡高祖製述之體製。都用經論釋文。言巧述自意妙也。實是佛瓔珞莊嚴。陀羅尼力也。大集經第四說菩薩入陀羅尼第八是也。云菩薩寶冠中安佛像故。佛智慧入菩薩心中說。銘文曰言嚙持者智慧也。無碍光智曰嚙持也。今高祖得無碍光佛智。以嚙持三經七祖經論釋。及大聖一代經卷。隨意自在顯深甚法義。故或引玄義顯禮讚意。或引觀念門丹

讚顯玄義意行卷。或以下顯上以前顯後等。是皆今家取經論師
釋一体也。應知○敬信等者。正叙述作意。敬信者崇重信受為
義。真宗者。散善義真宗。叵遇五會讚云。念佛成佛是真宗。大經
曰。惠以真實之利。即是本願。真實是也。此本願真實。開為四法。
以真實四法為宗。故曰真宗也。言教行證者。攝信於行中說。
非分能信所信。既由師承而信。知所承教行證。全是本願力回
向之賜物。無乃非恩德之深耶。斯以慶喜所聞讚嘆大喜。舞蹈
弗已。所以有筆作。但是為報洪恩耳。自信教人信。真成報佛恩
是也。和讚云。讚嘆佛慧功德。聞十方有緣。信心已獲者。可常佛
恩報。當知六軸製造。唯為報佛恩耳。又是斯序始起於往相行
信。轉入於真教。中則轉說為行為信。復轉曰真言曰正法。至終
結束云。慶所聞大。嘆所獲大。信大。即以往相行信。首尾一貫矣。是等

文義甚深。陀羅尼力之所為。實通唯佛悟入矣。敢述愚短一分
亦出深奉之喜也耳。解嚙序竟

教行信證略讀第一經

教行信證略讀第二

教 卷 一

古本標舉經宗標列六法。文安之表紙內。明曆本同之。云大無量壽經。真實之教淨土真宗顯真實教一乃至顯化身土六文。又六要所釋本。初有標列六行。顯真實教一乃至顯化身土六次有題目撰號。後有大無量壽經。真實之教淨土真宗一行十三字。寬文本同之。故六要一。九云。第一明教於中為五。一者標列次第如文。初六二者題目。三標舉。題後一行。大無量壽經等十三字四者正釋。自文初至引與釋。五者總結。兩者以下是其文也已上。今按依後世例。六要寬本似近。然古賢筆格。大抵與後世不同。先於題前標舉當卷經宗。使人易知。而後以次載標列之文。下文中已顯所依經。曰大無量壽經是也。於文前何須標經宗耶。是以在表帙內舉之。使人易知所尊經宗耳。行

信證等。每卷亦在表帙內同之。可準知。六要所釋亦是一本。攝之於教中。分文爲五。此似不失本。初標舉中準祖鈔。云易行淨土本願真實之教。大無量壽經等也。今云真實之教淨土真宗者。似教宗倒如何。答彼依宗立教。此由教顯宗。非由宗立教。彼此所望不同。非文倒也。次標列中。此標列六法惣通六卷。六要何攝教中立科耶。解云教卷居六卷初。故在初惣列下所說。示此教在其第一焉。又可教能詮顯行信證果。真實既辨。當辨方便。後分別化身土。故在教中列之。六要右九惣題未盡問答云云。得意可見矣。問方便中亦有教行信證。何故於真實廣開四法。別卷明之。於方便中略列化身土。其教行信證攝化身土中明之耶。答真假修相在因則難分。以其相近故。至乎得果。則真假得失判然。猶如稗穉之於稻田。今就果相劣。知因爲方便。貶自

力勤修。以此義故。方便法於化身土中論之。又非宗本意。故略明而已。序文已竟。第二正文大分爲三。一顯真實六法。二乘便顯方便。三因分別時教。化本三十三左初中有五。第一顯真實教。亦二。一題號。二正文。初中亦二。初題目。後撰號。

○顯淨土真實教文類一

愚禿釋親鸞集

初九字是題目。後六字是撰號也。六軸各有別題。此章最居初故稱一。猶言玄義分第一。乃至散善義第四。次撰號。愚禿等明曆寬文二本爲細字二行。真本延本大字爲一行。凡安撰號有二種。一後人安之。因人重法故如論註。二作者自安。標名簡別他人作故。如大覺抄批載南山事。行事抄上卷內題下云。作者非無標名簡別。中卷云著述者多。立名標與。下卷云註撰非少。今此中集主自安。此亦有二。一爲卑謙故。二爲尊信故。初卑謙者。自標名簡異他達士之作。以示自卑謙故。二

為尊信者。惣序愚禿釋親鸞慶哉乃至敬信真宗教行證等。又略書云。慶哉愚禿乃至特報廣大恩文。廣略二書數標高諱者。彰標名敬信法之意。或寺自筆十字尊號傍書曰。愚禿釋親鸞敬信尊號也。越中高岡寺 福寺所藏以此可知。然誦撰號有異傳。泉涌寺云。指戒禪上人一也 此即入唐究律與義師朝後建律院名泉涌寺。北京律院根本也。教院有二義。一限開講之時。可讀撰號。二不可讀撰號。律院一向不讀撰號已上。弘決一云。西方風俗稱名為尊。如子之名兼父母。此方風俗避名為敬。故以所居而顯其人已上。超玄記云。用欽盡靈芝小 經義疏一卷名諱者。世以禮記云。詩書不諱。臨文不諱。遂即讀之。何錯誤不仁之至於此耶。豈有為人資子初不諱師父之名者乎。於汝安乎。安則為之。吾未如之何也矣。禮已以詩書之文內有涉此字者。故不諱之。非謂教汝臨讀文時。特稱其諱。智者慎之已上。今亦准古不讀

之。恭敬修之至哉。其解姓名如六要等。

○謹按淨土真宗乃至有真實教行信證。

二正文中有二。初先標真宗玄軌。後正就當卷明此今其初也。此中初四句標二回向。後二句明其所屬。○謹按者。發端敬重佛祖相承之詞。倣論註淨土經意甚深。今依七祖指南。大觀宗意。故曰謹按也。○淨土真宗者。淨土之真宗。淨土即真宗。其義相通。六要引諸文云云。大經曰。真實之利。本願真實開因果為宗。光闡道教之利。為權化方便。淨土真利為真宗。唯念佛成佛特專。真實之利。故後善導曰。念佛成佛是真宗。散善義曰。竊以真宗。巨遇淨土之要難逢。初具宗者。具常法界一實圓乘。此名物通。二門。二頓教。淨土之要者。宗要。於頓中更難淨土真宗。門。偈引此文。合難中之難。故知淨土真宗。是真中之真。頓中之頓。教也。法事讚曰。從佛逍遙歸自然。自然即是彌陀國。和讚自然。即報土等。

又云。六識縱橫自然悟。未藉思量一念功。和讚云念佛成佛自然此與離六
根讚意同。是故合此二文。曰念佛成佛是真宗。而屬之終南語。
二門偈始曰念佛成佛是真宗。後以散善義文成其義可見矣。
凡言真宗有五對。如餘處釋云云。今所言真宗者。簡淨土方便。
標淨土真宗。其体南無阿彌陀佛也。四法身土木願為宗名號。
為体故。然從名號法体。開往還。從本願真實開四法。因果為宗。
以為淨土真宗。是故不言名號。而曰淨土真宗也。○有二種回向
者。論解義分中明五念行。前四約自利。第五約利他。就第
五回向釋。出往相還相。文曰云何回向。不捨一切苦惱衆生。心
常作願。回向為首得成就大悲心故。註云回向有二種相。
一者往相二者還相。往相者以己功德回施一切衆生。作願共
往生彼阿彌陀如來安樂淨土。還相者。生彼土已。得奢摩他毘

婆舍那方便力成就。回入生死稠林。教化一切衆生共向佛道。
若往若還皆為拔衆生渡生死海。是故言回向為首得成就大悲
心故已上。六要一十二。問答引出第五門文。及利行滿足註文。
成他方回向之義。論及註文五門回向。約行者自利利他。今家
為如來回向者。據出第五門論文。及註利行滿足文。發揮他方
回向之義。今家不共義。其義在二門偈詳晰矣。云菩薩入出五
種門。自利利他行成就。不可思議兆載劫。漸次成就五種門。何
等名為五念門。禮讚作願觀察回云云。師說曰。其義太難得。今
設譬說以示。譬如有一金瓶。于此瓶中盛水。旁有多瓦瓶。從彼
金瓶小口而出水。流注於多瓦瓶。於中盈滿。次合法者。金瓶盛
水者。彌陀永劫修行前四念之行也。其小口而出者。第五回向
門。如來因中永劫所修功德。從第五回向門出。而流灌凡夫心中。

所云多瓦瓶者。譬十方衆生。今日凡夫從第五回向門。而全領受前四念門功德無餘。故如來回向之禮讚作願觀察回也。惟前譬說知焉。其既然。則非有第五回向。則今日凡夫何由得成五念門。故曰不遇往相還相回向之人者。流轉輪回無際。如苦海沉淪何。當知由如來利他回向力。速成五念之行。其佛願回向之前四念。是願作佛心。第五爲度衆生心。往相中兼普共衆生利他者。良由此焉。其行者還相回向者。至于彼土方顯。世人以爲自願往生。少許有共衆生之念者。是還相一分也者。何其太早計也。往相之中有度衆生心。而無度衆生之行。度衆生之行在還相中。云得奢摩他毘婆舍那。方便力成就已回入生死。至教化地是也。又復往相之中。雖言度衆生心。唯是佛願回向自利利他。德香芬馥耳。非謂凡夫妄情作念也。故不拘凡夫度

心有無。信佛願回向處。往生決定也。淨土論因果五念。且就瓦瓶末。鸞師的證三願之意。求金瓶本。此亦論主意耳。至下可知。此中往相從教卷至證卷半。還相從證卷半盡卷曰竟。以此二種回向攝盡淨土四法者。今家不共妙談。深顯他力宗致。至此豈其可言教行證三猶是常途乎。已上。回向者回者轉也。向者對也。回向有三種。一衆生回向。回向二菩提回向。回向三實際回向。回向論主曰。凡釋回向名義。以已功德回施一切衆生共向佛道。此約衆生回向。今所言回向者。示佛願力回向故。是衆生回向兼菩提回向。○一往相二還相者。往謂往生淨土。還謂回入生死。還來穢國度人天故。往還從此界言之耳。相謂相狀也。此二種回向。非凡聖自力之回向。全由佛願力而所得故。經說令諸衆生功德成就。若往若還無有非皆本願力

回向故。註曰若往若還等。又云凡是生彼淨土_相。及彼菩薩
人天所起諸行_相。皆緣阿彌陀如來本願力故等。引十一十八
廿二三願的證。如來既成就自利利他往還入出功德。回施之
衆生。衆生領之入出自在。喻如大王門有出入自在券賦之於
國民。而令入出自在。大王門者喻安樂寶國。入出自在券者喻
往還回向。大王賦之於國民者。喻如來大悲回向。此券非國民
所作者。喻非凡聖自力之回向也。○就往相回向有真實教行
信證者。二明其所屬。六要一_{十三}云。教行證三常途教相。信真化
土今師所加。任常教相。雖標其三。依爲最要。今加後三。詳曰教
行證三亦從本願力回向出。永異常途教相。何得言任常途教
相耶。四法及真化。皆是今家不共法門也。今就往相回向。開四
法者。論行信證三爲往相。即是因五門果四功德是也。今分行

名號爲教。又可教能詮顯行信證。故能詮爲教。所詮爲三。蓋師
東五門。云隨願往生淨土法門是也。教行信爲。因證爲果。因出
於第十七八兩願。開爲五念門。前四是自利入門。是名願作佛
心。後一是利他出門。是名度衆生心。是爲淨土大菩提心也。果
即行信所期。出於第十二及廿二願。第十一願是往相證果。攝
前四功德門。爲自利入功德。第廿二願爲還相回向。即是第五
出門利他功德。名園林遊戲地門。此乃證果上悲用。是故於證
卷明還相此意也。如是行信證果皆真有非佛願力。法藏菩薩
本修五門行。成就自利利他功德。以本願力故。以所成功德普
回施一切。是名如來願力回向。依此回向故。一切衆生獲得行
信證果。未藉行者自力機計。而法体自具回向之義。故此回向
名不回向之回向也。今此中一部。以往還四法因果覆之。無不

攝盡。故在首先標此玄規。故信卷曰。若行若信無有一事非阿彌陀如來。清淨願心之所。回向成就。證卷云。若因若果無有一事非阿彌陀如來。清淨願心之所。回向成就。略書云。若往若還無有一事非如來清淨願心之所。回向成就。問與略書對見。略書於大行下。開二種回向。復無教所屬。今書於教處。開二種回向。屬教於往相。何意耶。答。廣略說相各據一邊。何者。若依所出之願。則於往相回向本願。可開二種回向。以名號為回向之體。故出願文而言本願力回向有二種等。於教則不別舉所出之本願。故教無所屬。然若約所屬。則可屬往相回向。能讀為教所讀為行故。教行俱一名號耳。其義愈明矣。今書就經休即名號義邊。判其所屬為往相耳。其意可知。問。真佛土及化身土兩卷。二種回向中何所屬耶。答。真佛土卷元出於證。證者究竟寂

滅。此滅度即光明壽命海。此光壽海即一法句。一法句。謂清淨句。清淨句謂真實智慧。光無為法身。是知一法句妙證能出真佛土。光壽無量。證既往相。又還相也。則真佛土亦屬往相可知矣。其化身土對真佛土明之。今既以真實簡之。則真實四法之判屬訖於證。真佛土在此中。是故今所屬在初六軸。而不通第六卷。若約隱彰義不出往相回向。而非今所屬應知。

○夫顯真實教者則大無量壽經是也。

第二正就當卷明有四。一指經叙意。二辨宗出體。三徵引明證。四總結。初中亦二。初指真實教。後叙經大意。此初也。○顯真實教等者。依教分宗。故先標教。依經成故。指示所依經。廣略二本但顯真實教法。嘆出世正意耳。至明其教分齊差別。則推之愚禿抄。教者能詮言教。能詮顯本願真實之行信證果。故名

爲教。即是釋迦金口自說。圓滿了義之教也。吉水大經釋云。以此經而爲根本。以餘諸經爲枝末。又以斯經名正往生經。以餘諸經名無功德往生經。以斯經名具足往生經。以餘諸經名不具足往生經。玄義云。言弘願者。如大經說。此經顯弘願真實根本經故。標示真教也。○大無量壽經者。對小經故云大。支謙所譯稱曰大阿彌陀經。綽導二師從。略稱大經。天台亦對阿彌陀小本。稱大本。嘉祥觀經疏七名双卷。龍興稱兩卷經。要集云名双觀經。今存具題者。五會讚云。今依大無量壽經五會念佛。依之六要左十九。以大略多部依大勝三義釋大標多勝義故加大字崇重義也。若爾者稱小經小本者爲貶言耶。今按鷲師大小二經。皆稱無量壽經。以王舍祇園別之。由之思之。綽導天台等亦以大小分之

也。已曰真實教者。大無量壽經。豈其不然乎。四不涉顯彰隱密。故謂影暢表裏。其不涉隱顯之證。然三輩章及以釋迦能勸文中。間說諸行者。斯經傍意。不關本願真實正體。何比彼二經兼有者。况復高祖意。驅而入此二經之中者乎。五統攝二經所說。故謂觀經彰機真實。云五苦所逼者。即大經五惡也。九品亦是三輩。但其於大經具體而微耳。小經證誠。即大經所謂十方如來皆共讚嘆也。故唯信文意中。取彼小經直爲此十七願成就之相也。由此言之。此中統攝二經。是勿論也。亦能爲三經之根基。故觀經曰。是本法藏比丘願力所成。又云亦說法藏比丘四十八願。吉水引之以爲大前觀後之證。今取以證其爲根基之義。小經說不可思議功德。大經所謂無上功德也。又曰我見是利。是大經真實之利也。又曰極難信法。即大經難中之難。無過斯

難也。又善導法事讚。處處取大經說。助小經義。是等皆由其爲
根基也。以此當知。餘二經者。不必攝。今經。今經必統攝餘二也。
六顯示一佛乘意。故大經對權化衆。彰法最勝。不但此土。十方
如恒沙界諸佛。告菩薩。令觀安養。此彰一乘清淨。無有二乘三
乘。二乘三乘者。入於一乘。一乘者。第一義乘。唯是誓願一佛乘
也。以是義。故經末說言。無量壽佛。放大光明。普照一切諸佛世
界。金剛圍山須彌山王。大小諸山一切所有。皆同一色文。此乃
顯示一佛乘意。而令阿難親見者。以其有深智慧。眞妙辨才也。
阿難亦權化衆。初見如來五德。不思議相。發起請問。見前四住
者。阿難作觀音用。是謂深智慧。乃通本地之德也。其見第五行
如來德者。觀音作阿難用。是謂眞妙辨才。密教云。阿難在淨土。則乃
觀音云云。古德闡用該垂迹之智。故用是本迹不離之德。能遊大悲門者。悲願一乘

阿難也。使此悲願一乘阿難親見。不啻十方國土。無着無碍。唯
有一乘。此界一代化益。亦無着無碍。咸赴此一法門。更無異乘
也。則非眞實教。是何念哉。上來六意。述別取之由。已上問禿
鈔曰。本願眞實之經。大無量壽經等也。廣略二本。不言等。等與
不等。其義云何。答以彼視此。不等猶等等。猶不等。何則。高祖言
大無量壽經者。豈其黃卷赤軸乎。觀小二經說。弘願處。即是大
無量壽經也。故曰不等猶等。又雖則大經。其說十九二十願意。
即是觀小二經也。何以知然。淨土讚中。既標大經讚。而該羅二
經說。故曰等猶不等。彼此何相違之有。已上又有說云。禿鈔初
約弘願言。大無量壽經等也。次約要門曰。無量壽佛觀經意。不
言等。蓋是專約要門。但學觀經不下等字。而約弘願云。大經等
等。取小經者也。今專約弘願。故不下等字。且簡別小經。何者。淨

土二教門高祖授曰。大無量壽經頌中之頌。阿彌陀經頌中方
便。如是二經共是真門。兼攝方便。故禿鈔云等。如其觀經。又曰
念佛三昧漸中頌。觀佛三昧漸中漸。是故要門唯學觀經。無更
所等。今唯頌中之頌。不攝方便。故無等言。已上不隨情。

○斯經大意者。乃至惠以真實之利。

後叙經大意。此中初二句叙彌陀教意。後二句述釋迦教意。以
此二尊教。囊括大經始終。冠戴初後。故以為大經大意也。古人
分大經為二尊教者。源于此文。然玄義序題門。所明二尊教者。
於觀經中真假相對。不同於此真實教中之二尊教也。又化土
卷明十九願大意中云。釋迦牟尼佛顯說福德藏。誘引群生海。
阿彌陀如來本發誓願。普化諸有海。此約方便故。先釋迦後彌
陀。今反之。真實教中二尊教可知矣。○超發於誓者。超過超絕。

之義。大經曰超發無上殊勝之願。非但超過地前地上。能超過
一切諸佛之願。故彌陀偈經曰。發願踰諸佛誓。二十四章。凡三
經中。觀小二經。惣無超之字。大木特說超字。二十有二。良以大
經顯法真實。即示弘願一法。獨超出於諸教之表。宜哉為真實
教也。○廣開法藏者。異解紛紜。一云隨自隨他無量法門藏。彌
陀開之。選施名號功德聚也。菩提記。一云超發於誓者。大願也。廣
開法藏者。大行也。經曰為眾開法藏。廣施功德寶。是為萬機開
顯無窮法藏。今文為眾屬下。廣字在上。以與下光闡對映。偈言
如來功德唯佛知。集佛法藏施凡愚。異譯圓滿善法無等倫。皆
指因位志願。修行万善。造作諸行。開發法藏。集法藏者。經說荷
擔有情。能持一切如來法藏。又云積累德本。度脫一切。上求下
化。眾行修德。名開藏。初義。此義意為萬機開万行。於其万行中。

爲凡愚選施名號真實功德寶也。依之。一義云行卷云圓滿福
智藏。開顯方便藏。化土卷云顯說福德藏。修諸功德。開演功德藏。諸
本。今法藏即圓滿福智藏及方便藏。福德功德二藏。十若如此解
發願立真假願。超發弘誓。於中選擇。選擇福智藏也。施第十八願之名號寶
之義也。後義。又一義云。廣開法藏者。此指久遠所證。即一如法
海也。從此一如法海現形爲法藏菩薩。超發深重誓願。哀愍凡
小。選施名號功德寶。選者選擇攝取之義。讀云南無不可思議
光佛等。今文不言法藏發願。而言彌陀發願者。此彰果後方便。
則知彌陀亦法藏中出。經曰是我真證發願於彼。彼者真證即
久遠已成。在々處處々發願。不出彼真證。從法藏中出。廣開
法藏。廣者邊究十方際盡三世。故廣開法藏者智慧門。哀凡小
者慈悲門。選施功德寶者方便法身德。即方便門。此三相即不

離。是謂誓願一佛乘一實真如界。是爲真實教體。已上。從上諸
說各據一義。今謂超發廣開二句。明因位願行。致哀等二句。示
果上回向。超發於誓者。法藏菩薩發六八大願。經曰發斯弘誓
建此願已。又云超發無上殊勝之願。廣開法藏者。廣修六波羅
密等大行。經曰兆載永劫積植菩薩無量德行。以大莊嚴具足
衆行終成名號。行卷初引爲衆開法藏等偈文。合十七願。次引
如來會云。最勝丈夫修行已。於彼貧窮爲伏藏。圓滿善法無等
倫。爲伏藏。圓滿善法者。即積万行累德本。而開無量法藏。万善
圓滿之相故。行卷四十云。猶如伏藏能攝一切諸佛法故。一切
無量佛法集在此中。故云法藏。又云伏藏。恒沙万德無不修。自
利利他功德無不積。故云廣開也。法者功德法。六波羅密等。華
嚴三十七三十云。如來福德藏。智慧藏。方便大願藏。踰之人身五

藏。一切万法攝行卷所謂圓滿福智藏。開顯方便藏者是也。一切
方法爲所藏。名號爲能藏。法之藏依主釋。又以一切功德法爲
所藏故名法藏。有財釋也。是之大願大行。是彌陀因位入四門
之相。大經所說發願修行之廣說。攝在一句。應知○哀凡小等
者。示果上回向。出第五門益是也。大經廣說彌陀果德者。攝在
此中焉。哀凡小者。論云不捨一切苦惱有情。回向爲首。成就大
悲心。哀謂哀愍。凡小者凡庸卑小劣機。華嚴音義三云。廣雅曰凡
輕也。漢書注凡庸也。微小也。今哀愍輕薄微小之人。乃是不捨
苦惱衆生大悲心也。選謂選擇攝取之義。於六八願中。別選念
佛往生願。施名號功德寶也。謂廣修無量寶藏。成名號福智藏。
回施之凡小。回向爲首大悲心故。施功德之義也。二門功德之
寶者名號也。儒師偈曰。下至一念得大利。則爲具足功德寶。行卷

稱大行曰眞如。一實功德寶海。一多證文云。言功德者名號也。
大寶海者万善根功德滿窮際海云云。致之言因位願行爲能致。
果上回向爲所致。應知○釋迦出興等者。後述釋迦教意。大經
文如次下引。釋迦者發遣教主。是名融本應身。一代末經教主。
名逐機應身。今指融本應身。爲根本經教主。具如別記○光闍
道教等者。光者廣也。闍者開也。依諸師意。教法利人名爲道教。
證利益物以爲眞實。如來所以出興於世。以教理二利衆生
故。影疏上三十七若如所解。則欲字當在于光闍道教之上。今既
不爾。知不順文理也。依今家意。道教者八万四千假門也。眞實
之利者本願一乘。眞實之利益。流通指之爲無上大利。一多證
文曰。欲ハオホシメストマウスナリ。本懷。拯ハスクフトイ
フ也。救。群萌ハヨロツノ衆生トイフ。惠ハメグムトマウス。與

之。眞實之利トマウスハ。彌陀ノ誓願ヲマウスナリ。シカレ
ハ諸佛ノヨニイデタマフユヘハ。彌陀ノ願力ヲトキテ。ヨ
ロツノ衆生ヲメグミスクハントオホシメスヲ本懷トセ
ントシ玉フガユヘニ。眞實之利トハマウスナリ。然銘文。一
多證文。引經除光闡道教之一句者。非至要故也。此中意謂。光
闡道教是方便。但惠以眞實之利爲出世之本意。彌陀在安養
哀凡小。釋迦出興於濁世。救濟苦惱群萌。說本願眞實之利益。
施以功德大寶爲本懷。此乃承前彌陀發願選施來引導濁世
而已。委曲如下釋。

○是以說如來本願乃至爲經體也

二辨宗出體。凡論宗體不同。依慈恩宗一部所尊所崇爲宗。體
者謂能詮教體。聲名句文爲體。如唯識疏及法苑章等。天台已

前古師意。宗一部宗要。宗之所赴爲體。宗亦體也。天台已降宗
體別論。宗謂宗要。修行之喉襟妙玄九。妙玄一之一四廿云。宗者要
也。所謂佛自行以爲宗也。云何爲要。無量衆善言因則攝。無量證
得言果則攝。如提綱維無目而不動。率衣一角無縷而不來。故
言宗要文。體謂體質。妙宗鈔二三十云。體是主質。四明釋云。體
是實質。一切名下皆有其實。因果爲宗實相爲體。台家所立也。
今家論宗體近台家。問曰。本願名號因果且異本是一法。宗之
與體其別何在。答六要一十五云。言本願者。先指六八。以是爲宗。
願々所詮偏在念佛。以之爲體。是故且以佛念別爲異文。今
謂體以六八願爲宗者。十九二十願亦得爲今經宗。若爾可謂
依實教而立權宗耶。且一家指本願者非通惣語。本書一部中
於十九二十兩願。但言悲願而無言本願例。但眞實五願指言

本願。然本願言屬第十八願。王本願故。本願言有二義。一因本義。此通四十八願。二根本義。依此義則第十八願為根本願。餘四願是第十八願中所有物。何者我國是光明壽命海也。生者生即無生故。必至滅度也。三信至德尊號為依是行也。故餘四願攝歸第十八願中。但第十八為根本願。餘四願顯根本願故。亦名為本願。偈言本願名號。唯信文意云。光明無量本願。壽命無量弘誓是也。今此中本願者。指真實五願應知。是以六要所明。難據思之。凡按天台一家。諸大乘經。以因果為宗。以實相為體。今家宗體似如彼所判。何者如來本願為宗者。取一本願十八之五願為宗。即行信證及真佛土。真佛土攝證中。而行信證合為因果。謂選擇本願行信為因。證大涅槃為果。謂之願因願果。此之報土因果彌陀成佛報土因果全是念佛衆生往生之因果也為今經宗致。故行卷

十五云。凡就誓願有真實行信。亦有方便行信。其真實行願者。諸佛稱名願。其真實信願者。至心信樂願。斯乃選擇本願之行信也。止斯乃誓願不可思議一貫真如海。大無量壽經之宗致。他力真宗之正意也。又化土卷一十四云。三經真實選擇本願為宗。○以佛名號為經體者。即究一經所讚之法體。唯在此一法。本願為宗者。且於生於佛分因及果。其生佛之因果。全是名號之一法。二而不二故名號為體也。一而全二故因果為宗。天台云宗妙二之有人言。宗即是體體即是宗。今所不用。何者宗既是二。體即不二。體若是二體即非體。宗若不二宗即非宗。如梁柱是屋室之綱維。屋室是梁柱所取。不應以梁柱是屋室屋室是梁柱。宗體若一其過如是。宗體異者即二物孤調。宗非顯體之宗。體非宗家之體。宗非顯體之宗。則邪倒無聊。體非宗家之體。則體狹不

周。離法性外別有諸法。宗體若異其過如是。今言不異而異故有宗。不一而一故有體也。準釋可思。一本願之五願。則行信證果異而成宗。五願之一本願。則六字嘉號一而成體。二而不二。不二而二。深旨可味。○是以者承上之辭。有說云。本願爲宗致者。承上彌陀超發等文。以明一經所尋所歸在佛本願故。名號爲經體者。承上釋迦出興等文。以明一經法體在佛名號也。已記。今詳曰論宗體不二。實可然。其言文承接者恐不然。若言誓願爲宗承彌陀教。名號爲體承釋迦教者。卽爲彌陀教但說本願。釋迦教唯說名號耶。又可謂於彌陀顯宗於釋迦顯體耶。若言二尊不二者。則何分宗體耶。若言互顯者何定判宗體之爲耶。此義難思。今謂上大意中。於彌陀教有誓願名號。於釋迦教承之。說真實之利者亦名號也。亦是誓願也。二尊各有誓願名號。

今承釋迦教中誓願名號而明宗體。誓願爲宗。名號爲體故。文說如來本願爲經宗。卽以佛名號爲經體。說言在能說釋迦。以言說用之也。思之。凡論宗體。皆於釋迦說教言之。故論註曰。釋迦牟尼佛在王舍城及舍衛國。於大衆之中。說無量壽佛莊嚴功德。卽以佛名號爲經體也。今正依註家而論經體。然註家通三部明體。今別就大經明之。又註家但論體不言宗。今經宗據何文。今按註家以誓願爲因果者。三願的證之文是也。偈曰報土因果顯誓願。豈非誓願爲宗耶。其第十八願是因也。十一十二願是果也。略舉三願以顯報土因果。今家開爲五願。亦是誓願因果耳。故知宗體俱據註家。豈不然乎。又如略書則不引證文。直就大意而嘆釋。以宗體結之。與今次序少殊。思而可解。○何以得知出世大事。

三徵引明證有二。初徵起。二引文。此初徵起。六要^{十五}問先不
判云出世大事。今何如此說徵起耶。答云佛本願云佛名號。出
離正道大悲極際。雖不發言。如來出世大事在此故徵問也。此
承前宗體文。今謂承上大意釋迦出興於世文而徵起。謂如來
所以出興於世者。唯爲惠以真實之利。豈非出世大事耶。故今
承之欲引明證故徵起也。出世大事義。如六要^{一二十}所明。

○大無量壽經言乃至光光乃爾

二引文有四。一大經。二如來會。三平等覺經。四憶與師釋也。初
三是經。第四是釋。經中初一正引。後二是助引也。正爲真實教
出世大事之明證者唯大經耳。故爲正引。後二經助顯之故爲
助引。下結文言顯真實教明證也者。在大經文可知矣。初大經
文中。六要^{十五}引淨影明發起。分爲三双六重。今六重中除初

現相^三字^十及請問座起等義^七句^廿八^字今除^三引^正發問已下^三是^世

尊下。如來審問。四阿難白佛下。阿難實答。五佛言。說下。如來嘆許中。引至無能過絕。以一喻之力已下。及許說文。及第六阿難樂聞略之。六要意現

相文。同請問文。故座起等文。致請前方便。非要故除之。今謂學

阿難請問。則現相文攝在此中。故^一。又引阿難請問者。但是欲

彰五德爲真實教之要。故^二。又是顯真實教者。由此請問。如來

自開示出世大事。故^三。大經分四。一阿難請問。二如來審問。三

阿難實答。四如來嘆許。初中亦二。一惟如來現相。二自述所念。

此初惟如來現相也。○今日者。簡異往日。顯嘉運正啓暢本懷

之時也。○世尊諸根悅豫等者。先阿難述自見現異常之色相。

釋文如六要引淨影等。初二句現喜相喜色。徵鑿曰清無垢曰

淨。光顏巍^々者。淨影分光巍^々顏巍^々者未可。此顯上色

相光輝顏貌嚴然可視。義寂好矣。如明鏡淨影暢表裏者^{本現}

是如現流經本。作如明淨鏡影暢表裏。延本同之。有異本歟。此喻
上色相清淨。依諸師意。表裏猶如言內外。謂表者外也。裏者內
也。鏡光外照曰影暢表。以喻佛光外舒也。照光還現。鏡內曰
影暢裏。以喻放光還入佛顏也。要解云鏡表與裏曰表非。謂光
照內外。是非世銅鏡。有瑠璃鏡云云。○威容顯曜等者。嘆上姿
顏巍巍也。未曾瞻觀殊妙如今者。嘆色相異常之相。覺經云
我侍佛以來未曾見文。言如來光瑞希有。又云光顏殊絕是也。
唯然大聖我心念言者。次自述所念有四。一啓佛令知也。唯
然者承諾之辭。義寂云。唯然大聖者。承佛聖旨。申所念。我心念
言申自所念也。今謂承佛異常相。而申自所念也。○今日世尊
乃至行如來德者。二念所住。淨影約。初別後自利。世英利他。世尊
釋。義寂依顯揚等說五功德解。如六要引。懽興釋鈔主自下文

引之。法位同之。今試略解。攝此五句爲二。謂入出二德也。何以
知爾如來會言入大寂定行如來行故。大寂定者。謂無上涅槃。
全是彌陀妙果。回向名號與衆生。共說爲奇特法。即六字嘉號
念佛三昧也。華嚴性起品。嘆一切衆生心中具菩提智。曰奇哉
奇哉。今彌陀正覺乃平等。共一切衆生。奇中之奇也。初四住是
入門中是爲嚄句。此中具法身般若解脫三德。開爲別。即如次住
佛所住等三句也。世雄住佛所住者。法身德住於此故。一切世
間中雄傑。得爲三界雄。故名爲世雄。法身常住法性。說爲佛所
住也。世眼住導師行是般若德也。六度中般若爲眼目。能作一
切人天眼目。名世眼。具佛眼能爲一切世間開導人故。曰住導
師行也。世英住最勝道者解脫德也。眞土卷五涅槃經曰。解脫
者名無上上。無上上者即眞解脫。眞解脫者即是如來也。文。無

上上名最勝道。佛住此道。於一切世間獨秀名世英。合此惣別
爲入故。曰入大寂定。謂釋迦入念彌陀三昧。與彌陀無二無別
也。第五行如來德是出門。至此而始知釋迦故。稱今日天尊。佛爲
第一義天。天中之尊故名天尊。行如來德者是出門。釋迦如來
行彌陀如來德故。曰行如來德。又曰行如來行。云何行如來德耶
經說如來以無蓋大悲矜哀三界是其相也。以彌陀大悲誓願
矜哀三界故。約前四住。二尊分而不分。約第五德。則二尊不分
而分。在因則爲皆遵普賢。在果則言行如來德。阿難權德密知。
而能問如來如是之義。又解五德各言今日者。直承今日世尊
殊妙如今。彰所念妙相異常。由所見念言故五言今日。於中分
二。初四約智慧門。第五約慈悲門。如來會說入大寂定行如來
行故。於四中住奇特法爲惣後三爲別。惣故直指所見現相。言

今日世尊。論註曰。世尊者諸佛通號。論智則義無不達。語斷則
習氣無餘。智斷具足能利世間。爲世尊重故曰世尊。今日世
尊及次世雄等。亦是能住。開世尊通號爲別稱。一切世間中雄
傑故。一切世間眼目故。世間中之最勝人故。奇特法等是所住。
亦是開奇特法顯三別。奇特法者。名號說希有大弘誓。又云甚
難希有法。彌陀妙果號爲無上涅槃。涅槃即大寂定。釋迦住此
奇特法現奇特相。爲說奇特法也。法華開釋迦本門。云慧光照
無量。壽命無數劫。故知釋迦能住光明壽命海。光壽無量故名
阿彌陀。今住彌陀法名住奇特法。開阿彌陀。爲壽命無量光明
無量。次三句是也。合之則一阿彌陀佛。故爲惣也。佛所住者是壽
命無量。此則一切諸佛所住處。故曰佛所住。釋迦亦住之。能制
五陰魔等。諸根悅豫不以毀損。姿色不變光顏無異。故下經說

能住壽命億百千劫無數無量等。導師行者。已下二德。住光明無量。初約光明智相德。能破一切無明。開智眼。故爲一切衆導師。經如來智慧海爲欲行開導人。涅槃經稱爲世間眼。讀曰無明長夜燈炬。勿悲智眼暗是也。住最勝道者。約光明威神。經曰威神光明最尊第一。諸佛光明所不能及。此道最尊第一。故名最勝道。釋迦住之。故得世英名也。此光明壽命合則一。阿彌陀佛。是爲奇特法。住之。故現奇特相。爲說奇特法也。第五約慈悲門。曰天尊行如來德。第一義天爲天中之尊。故名天尊。行如來德者。釋迦行彌陀德。故名行如來德。云何行耶。謂能讚爲行。經曰皆共讚嘆。威神功德不可思議。如實讚嘆。使衆生聞信而得證果。是名行如來德。前四德皆言住。佛智安住彌陀法不動。二尊分而不分。故曰住。第五能讚所讚相分。二尊不分而分。故言

行也。又不止釋迦。念佛行者。亦能住之。行之。故得五種嘉譽。善導云。若念佛者。是人中好人。人中妙好人。人中上上人。人中希有人。人中最勝人也。此非能念者然。所念之名號佛德。所使然。故曰念佛三昧功德超絕。實非雜善得爲比類。一念佛命處安。住佛智不思議。即住希有最勝法。願作佛心。度衆生心。三業相續稱禮念非自行。行阿彌陀佛之行。是爲行者。行如來德也。雖凡聖異。而法德一也。有解云。下文說五智。云佛智。不思議智。不可稱智。大乘廣智。無等無倫。最上勝智。今嘉運正啓。欲說彌陀智願海。是故大聖住彌陀五智。彌陀念釋迦。釋迦念彌陀。然未至正說。故阿難自以所見問之。如此。故此五相逆次配五智。前四爲別。第五爲總。五智即如次。法界體性智。大圓鏡智。平等性智。妙觀察智。成所作智也。內證

爲住。外應爲行。心樹 ○去來現佛佛相念。得無今佛念諸佛耶者。三念所爲。此下淨影未可。義寂爲可。如六要一十八 引。意諸三世諸佛將暢出世之大事。則佛佛更互相念其所住德念佛三昧。今釋迦佛亦爲顯大事因緣念諸佛念諸佛者入。念佛三昧也。嘉祥疏曰。光光相照智智相照故云相念。得無耶者。義寂云。言得無者。謂必有也。下置耶字故。即我世尊釋迦牟尼佛。念於彌陀法身。淨土因果功德。承旨觀相知必有也。○何故威神光光乃爾者。四結問。何故上入不爾二字而可見。義寂云。若無有佛佛相念。何故威光乃如是耶。已。憬興云。光光者即顯曜之狀也。梵網疏云。光光者盛義也。上已。

○於是世尊乃至問威顯乎

二如來審問。佛知而故問者欲褒美來問也。以此可知。請問稱

佛意也。威顯者威神光顯也。

○阿難白佛止問斯義耳。

三阿難實答。憬興云。理實雖承如來加力。而對諸天故云自問。義寂意亦同之。謂自以慧見見此瑞相。以所見故問于佛耳。

○佛言善哉止問斯慧義

四如來嘆許。有五初嘆慧問。憬興云。阿難所問稱機及法。而合時宜故云甚快善哉。義寂云。智愜聖旨故深。辨當時機故妙。智深辨妙故善哉也。今謂所問智辨深妙故嘆爲善哉。所問愜聖旨故。以顯本願真實爲出世悲懷。阿難扣其所懷故。愜佛旨故嘆曰甚快。和讚曰。如來光瑞希有。而阿難甚快問如是之義。顯出世本意。○發深智慧者。上云我心念言。念是深智言是妙辨也。智深念住五德。嘆云發深智慧。深智演妙辨。口言問所住。故嘆云

真妙辨才。又念深入本地智。故深智慧。問能行大悲。故云真妙辨才也。又深智慧即甚深嚙持。是由乘三十四願。○真妙辨才是得辨才智願之所誓。佛住普等三昧。四十五願所誓。能問所問乘本願。契佛意。故嘆曰善哉等。○感念衆生即是普賢之行也。現果現因共是彌陀還相之所使。真實教之真。實不可思議哉。○問斯慧義者。阿難答言。以所見問斯義耳。故以智慧見。問佛異常相。如來入大寂定。知見阿難慧見。嘆問斯慧義也。

○如來以無蓋止真實之利

二唱出世本懷。一多證文曰。言如來者謂諸佛也。諸佛所以出於世者。欲說彌陀願力。惠教萬衆生爲本懷。故言真實之利也。然是言諸佛出世直說也。又銘文曰。如來所以與出世トイフハ。諸佛ノ世ニイデタマフユヘトマウスミユトナリ文。此

等諸文解如來。爲諸佛如來。明知三世十方諸佛如來。以說此法。爲出世本懷。如今日釋迦無異故。經說去來現佛佛相念故。應知。唐譯言一切如來。明知如來者三世諸佛如來也。然則十方三世諸佛。出世本懷唯在此一法大哉。一本無蓋作無盡。淨影憬與義寂皆以無蓋爲正。玄一以無盡爲勝。淨影云佛悲殊勝不能蓋上名無蓋悲。義寂憬與同之。○如來以無蓋大悲矜哀三界者。上所講行如來德。下所謂我以慈悲哀感。矜者憐也。感也。哀者悲也。直是將彌陀大悲來。悲感三界苦惱衆生故也。所以二字。貫出與道教二。則光闡道教。亦爲真實之利之方便由漸也。依諸師意。光闡等二句。教法利物。惠以等二句。證理利人。如來所以出與於世句。以教理二。利衆生故。影疏上冊七。若爾欲字。應在於光闡道教之上。今何不爾不順文也。六要云。今依宗

義言道教者廣指一代益亘五乘。真實利者指此名號等。此乃今家相承義。化土卷云。門者即八万四千假門也。一多證文云。八万四千法門。皆是淨土方便善也。○光闡者。懷真云。光者廣也。闡者申也。又暢也。○欲拯群萌者。欲之有情欲。謂情中所懷爲欲。光闡道教是非本懷。以真實之利爲本懷也。欲拯群萌者拯者濟也。五痛五燒。經道滅盡衆生。懷爲群萌。爾則救五濁五苦劣機。以本願真實。其光闡道教。非五濁劣機所堪故。非出現五濁本意也。噲如取鳥高張網。取魚下張網可知。惠者惠施也。○真實之利者。本願一乘海也。和讚云。本願真實。一多證文云。真實之利者。謂彌陀誓願也。六要通下爲得大利。爲名號。誓願名號不二故。望宗爲誓願。望體爲名號也。上欲字流至於此。而欲拯五濁群萌。惠施大願大利。爲出世本懷。以光闡道教。不爲本

懷。又真實之言對方便。光闡道教爲之方便。故又利者利益也。流通說之爲無上大利。大利對小利。無上對有上。行卷曰。有上小利者。則是八万四千假門也。大利無上者。一乘真實之利益也。又疑惑佛智。說爲失大利。明信佛智。說爲得大利。故知淨土之要門。亦不爲得真實之大利。唯弘願一乘。真中之真。願中之願。是曰真實教也。論主言之爲修多羅真實功德相是也。問法華方便品云。唯以一大事因緣。故出現於世。今經云。所以出興於世。欲拯群萌。惠以真實之利。又稱讚經云。我觀如是利益安樂大事因緣。說誠諦語。文。出世本懷。何有二途乎。答六要一。二論出世本懷之義。略有二意。一約教權實。三乘是權。一乘是實。故以一乘說爲本懷。是法華意。二約機利鈍。般舟讚云。根性利者皆蒙益。鈍根無智難開悟云云。爾來對法華而論本懷。諸

家蘭菊競美。雖然皆是不出六要二義者也。今謂諸家所言。皆是據相待門。按祖意不必然。約絕待門論出世正意。何者銘文及一多證文。引大經文。除光闡道教之句。由之言之。此顯絕待門意。何對一代聖道可競其出世本懷優降乎。其於法華論大。事因緣。是但娑婆一應化道耳。說一乘三乘之權實。故他方淨土豈夫然耶。今此說本願一乘者。即是十方三世。諸佛如來之出世本懷。絕待不二之真實教也。何教有對之者。十方淨土中。唯有往生法。無二亦無三者是也。

○無量億劫止時々乃出

三示佛出世難。初二句示佛出世難。而顯此法難得難聞。同世為值。而謂為見。下句顯顯。○靈瑞華者。梵云優曇婆羅。又云優曇婆樹。法華文句云。優曇華此出靈瑞。三千年一現。現則金

輪王出文。此文貫上三句。一曰佛出與世。二曰光闡道教。三曰

真實之利。般泥洹經曰。閻浮提內有尊樹王名優曇鉢。有實無

華。若優曇鉢樹有金華者。世乃有佛。此第一句。法華方便品曰。如

是妙法。諸佛如來時乃說之。如優曇鉢華時一現耳。此第二句。前

所以二字。流至於佛與闡教兩句。則是真實之利者。難值難見

中之難者。自可知。故和讚曰。如來與世之本意。開本願真實。乃

說難值難見。曰猶靈瑞華。此第三句。弘明之難。故取喻於三重也。至經末。其

義炳著。謂如來與世難值難見者。即序分如來出與於世是也。

言諸佛經道難得難聞。乃聞法能行此亦為難者。即序分光

闡道教句是也。若聞此經信樂受持。難中之難無過此難者。即

序分惠以真實之利是也。序分說譬說顯難值難見。流通文。初

學與世之難。云難值難見。學光闡道教之難。云難得難聞等。顯本

願真實之難。云難中之難等。愈以明矣。和讚說難值難見。示猶靈瑞華者。合流通意讀述。可謂巧妙哉。○時々者。憬與云希山之義。以善時出故文。

○今所開者止諸天人民

四嘆所問益。佛嘆阿難所問。為哀愍利樂諸衆生。故云多饒益也。開化一切即是開化恒砂無量衆生。普賢德也。

○阿難當知止無能過絕已上

五述成請問。依淨影科初述成請問中二。先述阿難所問。次以一下。述阿難所見。與同之。今學初略省次以一下也。此文佛自述成阿難所念之五德義。即有五句。如來正覺述前住奇特法。其智難量述前住佛所住。多所導御述前住導師行。慧見無碍述前住最勝道。無能過絕述前行如來德也。今依憬與釋下文

引憬與文故。如淨影第四第五相翻。不順經文次第故難據矣。

○無量壽如來會言乃至非因天等

二引如來會文。初顯前阿難實答文。前文但言自以所見問。今

顯其自所見。言即阿難由見如來光瑞希有。而念五德發此問。

○光瑞希有者。即是大經見異常現相。惟言未曾瞻視殊妙如

今文意也。○發斯念者。合自述所念文意。從我心念實至五德及三世佛佛相念文。合所

見所念。為實答文。○非因天等者。前文無有諸天來教我者是也。

○佛告阿難善哉止問如來如是之義

次顯前如來嘆許中嘆慧問之文。從佛言善哉至問斯慧義。善能觀察者顯發

深智慧。微妙辨才者顯真妙辨才。能問如是之義。即是問斯慧

義也。和讚如來光瑞希有等。述此二段意。一本點觀察微妙辨才。依不順經。况無有當發深智慧文。今本點善能觀察

微妙辨才以能問此點為勝。能觀察是智慧故。

○汝為一切如來止問如來如是之義已上。

次顯出世本懷及佛出難值。如來以無蓋至此中有二○一者一切

如來出與世間成正等覺希有者。即魏本如來所以於世文是

也。魏本云如來今言一切如來。故知不止釋迦出世本懷。三世

十方諸佛如來之本懷也。今家據之云如來者三世諸如來。正

據此文可知。○二安住大悲利益群生者。此文至略。魏本以無

蓋大悲矜哀三界。欲拯群萌惠以真實之利之文是也。利益群

生者。利益五濁群生以真實之利也。如優曇華已下。魏本無量

億劫已下是也。唐譯意通出世難值。及利益群生難值。如優曇

華希有句。在中間通上下。今阿難為二希有問斯義也。為字流

至出現世間之句。御本亦爾。○又為哀愍利樂等者。嘆所問益

多。即魏本今所問者多所饒益等文是也。阿難為利益衆生而請

問也。於于此知阿難請問亦是行普賢德也。此中缺述請問文。

○平等覺經言乃至普聽諦聽已

三平等覺經今家覺經為帛延三藏譯。具佛土卷。依源流章。今

引此文助顯猶靈瑞華時々乃出已下文。此喻佛出難值為如

優曇華也。○若有大德下嘆阿難慧見。若者汝也。大德聰明者

福德智慧也。○緣知佛意者。明曆實文二本作緣。經本及真本

延本作豫為正。豫知佛意者。即我心念言等文意也。○若不妄

者作不忘為正。此嘆阿難問持德也。舍利弗問經云。阿難修不

忘禪。宿習憶持。於少時中得佛覺三昧。積百萬川水。覆以為雨。

雨水奔流入于大海。阿難手從海中取以分別色味。不離還置

本源。阿難由三昧力。佛所言說悉能聞持不忘。不止持釋迦一

佛所說。三世諸佛所說悉聞持不忘。是故問去來現佛佛佛相

念。得無今佛念諸佛耶。是不忘禪德也。○若今所問普聽神聽者許說文也。普聽經本作善聽。高祖所覽本作普聽乎。普聽者謂所說法門一一能聽真所遺餘也。然本經文許說次在正宗分。說彌陀因行果德故。許說言善聽神聽。今此中但止此文。有何可聽文。舉許說耶。如片月半鏡。竊按祖意。讀之以次卷第十七願大行。爲顯教行不二之深義。如爾而已。須深思之焉。

○懷與師云等

四懷與釋此師相宗人。大經疏三卷名述文讀。凡釋五德者。諸師義不一準。於中引懷與者。時世餘師釋不流行于世。但此師釋所行。今因所覽略引之者。蓋爲知五德是此經至要也耳。非彼釋爲能盡經意。例如下真佛土卷中先引讚彌陀偈。後出懷

與師。只是助引耳。又今引文中。於述成文。脫其知難量多所導御二句釋。所以略引不爲盡經意以可知耳。○世尊住奇特法。釋言依神通輪等者。彼宗旨佛三業爲三輪。三輪者。十輪經六云。如來及菩薩所有神通身。記說意。教誡口。三種勝輪作用無碍。瑜伽三十七云。由神境神變。能現種種神通境界。令他於已生極尊重。由記說神變。能尋求他心行差別。由教誡神變。如根如行如所悟入。爲說正法。輪有二義。三輪章云。十輪經云。如轉輪王所乘車輪。或首行輪。彼初意說。依止運轉名之爲輪。三乘聖者所依止。自運運他轉有彼往。彼後意說。如轉輪王所有輪寶。王將遊戲前首而行。能摧不寶。鎮已伏故。三輪亦爾。未信等者。令生信等文。今神通輪者佛身業。此住方便法身德。彌陀具報身故就身輪。以釋奇特異餘經釋迦。故云依神通輪所現之相。此

顯住奇特法。非唯異等者示住此法。故名爲世尊也。○世雄住佛所住釋。言住普等三昧等者。普等三昧第四十五願之所誓。曰聞名逮得普等三昧。見無量不可思議一切諸佛。憶與釋云。昔者即普遍義。等者即齊等義。所見普廣。佛佛皆見故。佛佛相念之義彼疏作平等三昧。念佛三昧之異名也。釋迦能住念佛三昧。與彌陀無異故。曰住佛所住也。能制衆魔等者。與疏云。如來住諸佛平等三昧。能制衆魔。雄健之天。故住佛所住名爲世雄名。之因也。此意佛制衆魔之雄健。故名世雄也。今家訓能制衆魔。雄健天。故。雄健天亦爲所制。此意衆魔之言。總攝四魔。陰死煩惱天子。雄健天者。別學天子魔。惣別並舉。故爾耳。○世眼住導師行。釋言五眼者。如六要。四眼爲別。佛眼爲惣。文句四云。四眼入佛眼。皆名佛眼。下經云。肉眼清徹。靡不分了。天眼通達無量無限。法眼觀察究竟諸道。

慧眼見真能度彼岸。佛眼具足覺了法性文。淨土聖衆亦得五眼。今釋迦得彌陀佛眼。引導一切衆生。故曰住導師行。疏云。更無過者。故名世眼。今家本作無過上故。有異本歟。○世英住最勝道。釋言佛住四智者。釋住最勝道。佛轉識得智。其道最勝。故如佛地論說。四智者。大圓鏡智。轉第八識所得。平等性智。轉第七識所得。妙觀察智。轉第六識所得。成所作智。轉前五識所得。○天尊行如來德。釋中言第一義天者。釋天尊。佛住此中道五天中上故。依涅槃經有五天天。一世天。謂人王名天子。二生天。謂三界諸天。三淨天。謂二乘。四義天。謂菩薩。五第一義天。謂佛。解佛性不空義故。如淨影釋。六要一之十七所引。○阿難當知等者。憶與云。學佛德以述成中述阿難所念也。如來正覺者。即奇特之法。其智難量者。即平等三昧。發勝妙智故。以智難量述住佛所住。多所導御者。即述導師行。

慧見無碍者。述最勝之道。無能過絕者。即如來德。佛德既勝妙。不爲餘聖。抑過故。云無能過絕。今所引文除中間二句。六要云。無別意趣。學初後省略中間義也。師說云。略引三句者。蓋示其分取焉。竊按別意。如來正覺即奇特之法者。彌陀正覺果號。即希有奇特故。慧見無碍。述最勝道者。無碍一道最勝故。無能過絕。即如來之德者。諸佛咨嗟意。彌陀願力所然。欲止而不可得故。讀者得意知之。

○兩者則此顯真實教明證也

四總結二。初正結也。上引諸文而正以大無量壽經爲真實教明證。餘文皆助引耳。是故指大經結言顯真實教之明證也。

○誠是如來與世乃至真教也應知。

二嘆釋。師說云六句中第一第五約能讚人。餘四句約所讚法。

人法初約人中第一約此界化主。第五約他方共讚。此界他方一約

後約法中。第二第三約教體德。第四第六約教力用。體用對也今又

可六句中初四句大經意。後二句觀小二經意也。初四句中初

二句人法相對。如來是能說人奇特最勝是所說法也。初句能

說如來出世本懷。但在此經故。即承上大經文言如來所以出與

於世等。故言如來與世。此經正顯如來出世本懷之說。故曰正

說。第二句約所說法。奇特最勝是所住法。即是彌陀一法名。奇

特最勝法。此中攝餘四德也。此妙經乃以顯奇特最勝法爲所

詮故。曰奇特最勝妙典。妙典之言以所說法奇特最勝名經。典

者經也。後二句宗體相對。承上宗體來。一乘究竟者。此經說

願一乘爲教宗致。宗家曰。願教一乘海。行卷云。言一乘海者。一

乘者即第一義乘。唯是誓願一佛乘也。大經云究竟一乘至

于彼岸。光開道教一乘者猶是方便。淨土一乘者因果俱是誓願一佛乘故。乘中之上故曰究竟。一乘中至極故曰極脫也。○速疾圓融之金言者。此經說名號為體故。法體圓融德益無邊。行卷嘆大行曰。極速圓融真如一實功德寶海。禿鈔云。頓極頓速圓融圓滿之教。經曰一念為得大利。則是具足無上功德。論曰能令速滿足。功德大寶海。此乃開示速疾圓融大利之金口寶教也。故曰速疾圓融之金言。○後二句中。十方稱讚以小經顯大經。說皆共讚嘆等。以其十方諸佛之誠實言。顯皆共讚嘆者。小經十方諸佛讚嘆也。此誠言正嘆弘願念佛。然則此經法門。為諸佛誠言所嘆故。曰之誠言也。○時機純熟之真教者。觀經意也。大經法真實蒙法滅百歲機。然於觀經顯其時機純熟故。惣序曰淨邦緣熟淨業機彰。其教濁末劣機逆惡機者。此大經

法也。然則以觀經顯斯法時機相應之真實教也。○應知者。應知觀小二經隱彰正彰大經弘願故。三經一致之大無量壽經也。此乃効論註語例也。解嘆釋竟然略書有四句。缺今第四第六句。彼次大意嘆釋而後明宗體。故知承大意文明嘆釋故。承接與廣書少異可知。

教行信證略讀第二卷
二十

教行信證略讀第二卷

